

U LINGEDZA U ITELA

MUDZIMU TSHUMELO HU

SI LUFUNO LWA MUDZIMU

 Kha ri vhe ro ima zwino lwa tshikhathinyana musi ri tshi vha na thabelo. Kha ri kotamise zwifhatuwo zwashu.

Murena, ro takala matsheloni ano u vhuya nduni ya Mudzimu, kha inwe tshumelo. Huno ri a rabela, Mudzimu, zwaauri U do ri khakhulula matsheloni ano kha vhukhakhi hashu hothe. Ri sumbedze ndila ye Iwe wa ri odeinela yone uri ri tshimbile ngayo. Huno ri nee zwa tshilidzi Tshau na lufuno, uri ri kone u tevhela idzo ndila na dzindaela nga mbilu dzashu dzothe, uri ri kone u waniwa, nga ilo duvha, kha Kristo, ri sa solei, ngauri ri a tenda, Murena, zwaauri u vhonala Hawe hu do da hu si kale.

² Ri vhona zwiga zwe A ri zwi do itea U Da Hawe hu sa athu swika, zwi tshi khou khunyelela zwino. Huno nga dakalo ri lavhelela itscho tshikhathinyana. Vhunga Abrahamu wa kale o lavhelela murwa o fulufhedziswaho, huno a tshi vhona izwo zwiga zwa u fhedza zwa Mudzimu zwi tshi da kha lifhasi, zwenezwo a zwi divha uri a hu nga fheli tshifhinga tshilapfu u swika murwa a tshi swika. Huno zwino ri a zwi vhona zwi tshi dovhola hafhu. Yesu o ri vhudza zwaauri, "Musi izwi zwithu zwi tshi thoma u khunyelela," ri imise thoho dzashu, ngauri thengululo yashu—yashu i khou sendela, "tshifhinga tsha u khakhelwa, u farakanea vhukati ha dzitshaka, midzinginyo mafhethu o vhalaho, lwanzhe lu tshi bvuma, mbilu ya muthu i tshi khou kundelwa nga nyofho."

³ Ri a limuha zwaauri ri kha iyo awara, musi tshaka dzi sa divhi zwine dza tea u ita. Inwe nndwa i tshi khou da, zwi vhonala zwo ralo. Ndi tshithu tshi ofhisaho-de tshine tsha do vha tshone nandi! Lifhasi li tshi khou kwashekana, vhorasaintsi vha tshi khou amba zwaauri tshinwe tshithu tshi shushaho tshi tsini. Ri vhona Bivhili i tshi khou amba nga ha izwi. Zwenezwo, Murena, ri thuse namusi u ima nduni iyi ya u khakhululwa, huno ra dzhia dzindaela kha Mudzimu washu, dza u ya phanda kha ino awara ya swiswi, u penyisa Tshedza, ngauri tshi nga di vha tshifhinga tshashu tsha u fhedza tsha u ita nga u ralo. Ngauri ri humbelia izwi Dzinani la Yesu na u itela Ene. Amene.

Ni nga dzula.

⁴ Zwa vhukuma nje ndi dzhia iyi i pfanelo yavhudivhudzi, u vha fhano thaberakeneleni matsheloni ano. Huno pfarelo

ngauri a ri na lufhera lwa u dzula, u mona ho^{the}, u itela vhoinwi. Huno fhethu ho dala nn̄da, nahone ho imiwa huñwe na huñwe nn̄da.

Vhoinwi vhathe ngeyo nn̄da zwino, ni nga kona u pfa izwi kha radio yanu. Ndi hangwa...[Muñwe u ri, "Futhanuñthanu u swika fuñhanusumbe."—Mudz.] Futhanuñthanu u swika futhanusumbe. Vhoinwi vhathe ngeyo nn̄da, na nn̄da pulotoni dza u paka, na kha zwitarañta, ni nga kona u pfa izwi kha radio yanu, vhukati ha fuñhanuñthanu na futhanusumbe kha vhusumbasifhere ha radio yanu. Ngauralo ro lingedza...

⁵ Ndo vha ndi tshi khou vhuya murahu, kha ndi ri, u vha ngeno, u lingedza u vha na muñtangano u no ñoda u swika mañuvha a fumi, u amba nga ha thoho ya *Madzhomela A Sumbe A U Fhedza*. Ngauri, vhukati ha ayo Madzhomela ndi Phalaphala. Huno ndo vha ndi tshi kha ñi vhudza kha... musi ndo vha ndi tshi khou yo rera nga ha Phalaphala dza Sumbe, dzine nda do dzi ñisa ngomu na Madzhomela na Mabulayo. Huno ndo elekanya uri tshi ño vha tshifhinga tshavhuñti. Ndi kha ñi bva u vhuya ndi tshi bva Afurika, huno—huno vhana a vho ngo vha na holodei yavho.

Mutukana wanga wa kale, Joseph, o ño—o ño nga o ya zwituku... u ñoda vhege dzi si gathi thukhu dza u guda nga u vhala hawe. O phasa, zwo luga, fhedzi o vha a songo swika hone-hone. Ngauralo ro mu sia ngei Tucson, nga u ralo, musi ndo vha ndi kha la Afurika, huno a ya kha u vhala hawe na u lusa uri a sa salele khazwo, nga tshiñwe tshikolo tsha masiari.

Huno zwenezwo ri a vhuya. Huno ndo elekanya, uri musi vhana vho vha vhe na holodei dzavho, ndi ño vha na muñtangano muñtuku fhano na vhathe, huno nda rera idzi thoho. Fhedzi musi ri tshi swika fhano, ro wana zwauri ri kundelwa u wana holo ya tshikolo.

⁶ Huno ndo zwi ñivha uri thaberenakele yo vha i songo edana u dzudza vhathe, na u vha ita uri vhà digede nga ndila ine vha tea u vha ngayo musi vha... musi ndi na uyu Mulaedza, ngauralo-ha ro ño tea u—u ita mbekanyo yo fhambanaho. Huno vhudzuloni ha u vha na ma—masiku a fumi e ra vha ri tshi khou pulana u vha nao, zwo ralo, ndo tou a ita tshumelo mbili fhedzi nga Swondaha; iyi Swondaha, Swondaha i tevhelaho, na Swondaha i tevhelaho, tshumelo mbili. Ngauralo, nahone a ro ngo dzi kunguwedza na kathihi.

Huno, zwenezwo, arali muñwe-vho we a pfa nga inwe ndila uri miñtangano yo vha i tshi khou yo thoma nga la fumbilimalo, ngei holoni ya tshikolo, arali Mudzimu o zwi tendela, zwo luga, arali ni na dziñwe khonani nahone no lugisa zwa madzulo dzimotheleni, ndi—ndi ño—ño a hanisa, ni a vhona, ngauri iyo—iyo vhone, riñe ri nga si tee u vha nayo. Vha nga si kone u wana ho—holo dza tshikolo.

⁷ Huno zwino ndi ṭoda u amba, nga ha tshumelo dza vhuevangeli fhedzi nga matsheloni a Swondaha. Huno vhusiku ha Swondaha ndi ṭoda u vha na thabelo ya vhalwadze. Huno ri fulufhela zwauri Mudzimu u do tangana na vhoiñwi vhathe vhanne na lwala. A thi diñhi uri Billy u khou yo ni londa hani; ndi dzhia uri, u kovha garaña dza thabelo, kana naho zwo ralo, ndila dza u langa tshivhidzo. Fhedzi ri do ita zweithe zwine ri nga kona u rabelela muthu muñwe na muñwe kha vhege idzi tharu dici tevhelaho dzine ra ṭoda u vha na dzitshumelo, arali hu tshi do vha lufuno lwa Murena.

⁸ Huno zwenezwo zwifhinga zwinzhi hu na mivhudzisano ya vhuné, muñwe muthu u tou ṭoda u ni vhabona lwa muniti nga ha tshiñwe tshithu kana tshiñwe tshithu tsho raloho. Huno ri khou ya u . . . Ndi vhangana fhano vha ṭodaho muvhudzisano wa vhuné, kha ri vhone tshanda tshañu. Wow! Naa ndi nnyi ane a sa khou ralo? Ngauralo zwenezwo riñe ri . . .

⁹ Zwi nga zwi do kondà u vha wana, ngauralo ñivalani khumbelo dzañu huno ni dici rumele, ni dici ñekedze Billy, zwenezwo ndi nga kona u dici wana henefho. Huno, zwino, u do diñhadza, ndi a humbulela, nga ha garaña dza thabelo, musi dici tshi tea u kovhiwa.

¹⁰ Naa ndi vhangana vharathu vhashu vha vhashumeli vha re hone fhano nga matsheloni ano? Riñe a ro ngo vha na tshikhala tsha u ralo, a thi humbuleli . . . Naa no limuwa muñwe wavho-who? Naa ndi vhangana vhashumeli vha re fhano nga matsheloni ano, naa ni do imisa fhedzi zwanda zwanu? Kana, imani. Kha ri vhone urí ndi vhangana vhashumeli vha re tshivhidzoni nga matsheloni ano. Zwo luga, ndi zwavhuñi! Ri livhuwa Murena nga nthani ha vhabona avha. Ndi tama ngavhe ro vha ri na tshifhinga tsha u limuwa muñwe na muñwe wavho, fhedzi nñe ndi na ngoho ya urí ni a vha vhabona. Huno ri . . . Mudzimu u a vha diñha tshumeloni yavho, huno ri rabela uri Mudzimu a vha fhañutshedze lwa u tou vha pfumisa. Huno, a hu na u timatima, vhabona vhabo vho vala tshumelo dzavho, uri vha vhe fhano. Mukomana Junior Jackson nahone, ndi a humbulela, Mukomana Don Ruddell, huno henengei iyi khasho i khou dzhena ngomu zwivhidzoni zwavho. Huno zwenezwo, nahone, nthia ngei New York na mañwe mafhethu kha lushaka, izwi ndi nga luñingo lwa phuraivete ngomu tshivhidzoni tshiñwe na tshiñwe nga matsheloni ano.

¹¹ Ndi takalela u vhabona Mukomana Richard Blair o dzula hafha. Ndi kha di bva u vhala luñwalo nga ha tshithu tshihulwane tshe Mudzimu a ita vhukati ha vhathe henengei. Liñwe ñuvha, vhunga ndi tshi pñesesa . . . ndi nga kha di khakha, Mukomana Blair; arali ndi tshi ralo, ni nkhakhulule. O vha a tshi khou shuma, a tshi khou thusa munna u vhabona tshigarakana nga ñaraña kana tshiñwe tshithu, ndi tenda uri tsho vha tshi tshone. Ndo vhala luñwalo. Huno vho humisela tshiñwe tshithu murahu, huno, naho

zwo ralo, tshi gidimisela kharenthe ngomu madini he mutukana mułuku a vha e hone, muthihi . . . mu—munna we a vha e muñe wa tshigarikana, mutukana mułuku wawe, a tshi tou vha kutukana, huno ya vhulaha uyo mutukana mułuku. Huno thumbu yawe ya zwimba. Ri a ñivha shoko ya mudagasi, izwo ndi, musi vha tshi fa, izwo ndi zwine zwa bvelela. Mañø małuku a liana; mañø awe a vha fhethu huthihi.

¹² Zwo shusha vharathu nga maandesa. Mukomana Blair o ri o elekanya uri a nga nngwana huñwe fhethu, uri ndi mu rabelele, fhedzi a elelwa uri zwo vha zwi zwauri, “Heneñho hune vhavhili kana vhararu vha kuvhangana nga Dzina Langa, heneñho Nñe ndi vhukati havho.” Huno khotsi vha swotowa minwe yavho vha tshi khou lingedza u dzhenisa minwe yavho mulomoni wa uyo mutukana mułuku, uri vha u vule. Huno vha gwadama fhasi huno vha thoma u rabelela uyo mutukana mułuku, huno a dovha a tshila hafhu.

¹³ Naa izwo zwo vha zwi ngoho, Mukomana Blair? Muñwe wa vhakomana vhashu vha fulufhedzeaho fhano. Oo, uyo mutukana mułuku u fhano. Zwo ralo, livhuwani Murena. Izwo ndi zwavhudji. Ri do takalela ni tshi ima, mutukana muswa. Zwino, ri livhuwa Murena a funwaho nga nthani ha hezwi. Avho ndi khotsi a mutukana mułuku? Naa vhone vha khotsi? Izwo ndi zwone. Huno ngoyu Mukomana Richard Blair. Mudzimu washu u a kona u ita tshinwe na tshinwe. Ee, muñe wanga. O zwi fulufhedzisa. Ri khou tshila Vhuhoneni Vhukhethwa ha Khotsi muhulwane, wa vhugala, wa Tađulu. Huno zwithu zwe ñithe zwine ra . . . zwi a konadzea arali ri tshi nga tou zwi tenda.

¹⁴ Ni a vhone zwine izwo zwa ita, zwe zwa lifhisa vhutshilo ha uyo munna uri a zwi tende izwo? Ho tshidza mutukana mułuku wawe. Zwino, Mudzimu o vha e na vhalanda vhawé vha fulufhedzeaho henengei, u . . . Mukomana Blair na vhañwe, u rabelela mutukana mułuku musi o vha e kha iyo nyimele. Ee, musi tshinwe tshithu tshi tshi bvelela, elelwani, ni vhana vha Mudzimu a tshilaho.

“Hune vhavhili kana vho engedzeaho vha kuvhangana nga Dzina Langa, heneñho Ndi hone.” Huno hafhu zwo ñwaliwa, “Ndi ene thuso yeneyo ya zwino nga tshifhinga tsha vhuleme.” Huno arali ho vhuya ha vha na vhuleme, ho vha hu uyo mutukana mułuku o edelaho heneñho, o fa, mavuni, nga ñwambo wa shoko ya mudagasi ye ya fhira nga khaye. Ngauralo ri livhuwa Mudzimu matsheloni ano, nga mbilu dzashu dzoñhe, nga nthani ha izwi, nga nthani ha izwi zwithu zwe A ri itela zwone.

¹⁵ Mudzimu fhañutshedza avha vhanna vha fulufhedzeaho, na vhone-vho. Nga tshifhinga tsha nyimele ya tshihadu itsho ndi tshifhinga tsha u sedza kha Mudzimu. Huno sedzani kha Ene, huno ni vhe na vhukonani na Ene hu sa athu swika nyimele ya tshihadu. Ri a zwi ñivha izwi. Arali ri na u takalelwa nga

Mudzimu, ri nga Mu humbela tshiñwe na tshiñwe, vhunga ni tshi nga ralo iñwe khonani-vho, huno ndi Ene yeneyo thuso ya zwino nga tshifhinga tsha vhuleme.

¹⁶ Ndo sokou ḥangana tshiñarañani, mulovha, na khaladzi a Mukomana John Martin. Ndo vha . . . Muñwe o nnyimisa fhasi tshiñarañani, huno muñwe a fhira huno a ḥataisa nga tshanda tshawe. Ni tshi vhuya murahu hayani, ni a ḫivha, ni vhona vhathu huñwe na huñwe, vha tshi ima huno vha khañana, na zwiñwe-vho. Huno uyu mufumakadzi, ndi a elelwa vho mmbidza zwa zwenezwino, he muñwe a mu tshaisa nga murahu, modoroni, a fhira muñodo wawe na hothe nthā na fhasi. O vha e wa u oma mirado vhutshiloni hawe hothe. O dzula muñanganoni matsheloni ano, a tshi khou diphina nga Vhuhone ha Mudzimu. Ndo vha ndi tshi khou tou amba nae lufherani. Ndi ḥoda u rabela nae, hafhu. Huno ene o vha . . . U hone fhano huñwe fhethu. Ndi humbulela uri o kundelwa u vhuya ngomu.

Fhedzi, hafha, ngoho, o dzula henefha na rine. Izwo ndi zwone. Ni nga ima lwa muniti fhedzi, khaladzi, urī vhathu vha kone . . . Ngoyu mufumakadzi we dokotela a amba, mađuvha a si gathi o fhiraho, a nga si tshimbile na kathihi, muñodo wo fhireaho na tshiñwe na tshiñwe, u bva kha u vhaisalesa—u vhaisalesa. Huno o ima henefho, e na mutakalo.

Ni a ḫivha, Bivhili yo ri, “Huno vho kundelwa u hanedzana nazwo, ngauri munna o vha o ima vhukati havho.” Izwo ndi zwone. Ngoyu mutukana muñuku o vuswaho vhafuni, huno ngoyu musadzi a re na muñodo wo fhireaho, o ima vhukati hashu. Zwi kha di bva u itwa, ngauralo Ha shanduki mulovha, ñamusi, na lini na lini. Dzina la Murena nga li fhañutshedzwe! Ri tea u takala hani u vha vha tshilaho zwino Vhuhoneni Hawe, huno ra zwi ḫivha zwauri Ndi ene iyi thuso ya zwino tshifhingani tsha vhuleme.

Ri takalela u vhona Mukomana Vayle, Mukomana Martin, vhanzhi nga maanda kha ano matsheloni. Murena a ni fhañutshedze vharathu, lwa u tou pfumisa. Zwino ndi . . .

¹⁷ Ndi a zwi ḫivha uri a hu tou rotholesa ngomu hafha, na gogo loþhe, fhedzi nahō zwo ralo, musi ndi tshi tuwa Tucson liñwe ḫuvha, ho vha hu tshi ḥodou swika ñana na nña kana thanu. Huno katukutuku vhukati ha vhusiku, ho vha hu fuñaheraru, huno ngauralo izwi zwi pfala zwi zwavhudí nga maanda kha nñe. Huno ngei Parker vho amba zwauri ho vha hu ñana na fuiña, nga Lavhutanu ri sa athu tuwa. Huno inwi ni nga elelwa uri afho hu fhisa hani. Ngauri, afho ndi phangani.

¹⁸ Huno, zwino, Swondaha idzi dzi tevhelaho. Namusi, nga la vhufumithanu, ndi a tenda, ilo ndi lone, kana la vhufumirathi; la vhufumithanu, naa a si lone? La vhufumimalo, na la vhufumbilimalo, na nga la u thoma la Thangule, (naa ilo ndi lone?) Thangule. La

vhufumbilithanu...La vhufumimalo, la vhufumbilithanu, na la u thoma, hu do vha na dzitshumelo thaberenakeleni. A ni, divhi inwi, ni bvesa nga maanda khadzo, ngauri, inwi ni a vhona, ri nga si kone u wana tshine tsha vha ngomu, tshine tsha vha hone fhano zwino, ngomu, ni a divha, huno zwi tou nana u vhifha. Itonu vhuya murahu arali ni tshi kona.

¹⁹ Huno zwenezwo nne ndi hone fhano u kuvhanganya vhalangandaka. Nne ndi nga ndi khou bviswa kha huno u shoniswa kha u wana fhethu ha u farela hone mu^tangano, musi ndi tshi pfa ndi tshi rangwa phanda u zwi ita. Ngauralo ndi elekanya uri nne ndi khou yo humbela arali ri si nga koni u tou wana dennde yashu huno—huno ra i tok^a, huno ra tou dzula heneffo, ni a divha. Ra bva hafha phakani ya bola, kana nn^a bulasini, huno ra i sudzulusa fhethu ya ya fhethu, vhunga Murena a tshi do ranga phanda. Huno ndi a pfa uri izwo ndi zwine A khou yo ita. Ni a divha, hu na bono malugana na hezwo. Huno ndi elekanya uri khamusi tshi itisaho uri izwi zwi bvelele...Zwino, ni a divha, zwifhinga zwinzhi ri a elekanya uri zwi a ofhisia ngauri zwinwe zwithu zwi a bvelela, fhedzi, ni a divha, uyo a nga di vha e Mudzimu, ni a vhona, a no khou ni swogela ngomu ha izwi zwithu. Musi, O zwi amba, U do zwi ita.

²⁰ Masiku a si gathi o fhiraho, vhunzhi hanu, hu tshi nga ho vha ho sala nwedzi ndi sa athu ya Afurika, vhunzhi hanu thaⁿwe ni na theiphi, kha vhoinwi vhatu vhane na wana dzitheiphi, nga ha, *U Nanga Muselwa*, wo rerwaho ngei California. Kha miniti dza u fhedza dzi si gathi dza iyo theiphi, a thi elekanyi zwe zwa vhuya zwa vha heneffo. Fhedzi Muya wa Murena wo da nga ndila yo raloho. Ndo vha ndi tshi khou vha ha^lula nga ndila ye vha vha vha tshi khou tshila na u ita, na nga murahu ha musi Mafhungo-madifha o no reriwa na u tanzilelw^a phanda havho nga maanda. Zwenezwo, nga khathihi fhedzi, Muya Mukhethwa wa amba huno wa ri, “Kapernaume,” ni a vhona, “mu^di une wa divhidza nga dzina la vharuⁿwa,” uyo ndi Los Angeles, “iwe wo huliswa wa swika ngomu Ta^dulu, fhedzi u do vhuiswa phasi kha vhudzulavhafu.” Ni a vhona? Huno zwenezwo nga murahu ha musi zwo no fhela, mulandu, ndo vha ndi nn^a, huno Mukomana Mosley na Billy vho vha vhe na nne. Huno vha ri...Nda humela murahu huno nda sedza, huno phasi hothe ho vha ho tou dala vhatu vho edelaho, vhashumeli vha tshi khou lilesa.

²¹ Huno nda ya nda wana Luⁿwalo. Nda ri, “Hu na tshiⁿwe tshithu nga ha izwo Bivhilini.”

Huno ho vha hu Yesu a tshi khou kaidza Kapernaume, iyo midi ya phendelashango yo^the ye A vha o no i dalela. Mulandu, O ri, “Kapernaume, iwe wo hudzwa wa swika ngomu Ta^dulu, u do vhuiswa phasi ngomu vhudzulavhafu.” A ri, “Ngauri arali

mishumo yo vha yo itwa Sodoma na Gomora ye ya itwa kha iwe, yo vha i tshi do vha yo ima namusi.” Huno nga itsho tshifhinga, Sodoma na Gomora yo vha i fhasi ha lwanzhe.

Huno zwenezwo nga murahu ha hezwo, khamusi miñwaha ya ñana kana tshinwe tshithu, nga murahu ha vhuporofita ha Yesu, Kapernaume, mudi wa phendelashango fhedzi we A vha o no u dalela, mudzinginyo wa u ñupelisa lwanzheni. Huno ni a zwi ñivha zwauri iyo yo vha i phindulo yo livhaho kha California, kha Los Angeles.

²² Huno zwenezwo ngei Tucson liñwe ñuvha, zwenezwo ndi tshi humela murahu, mudzinginyo muhulwane wa bvelela heneffho nn̄da. Huno vhorasaintsi vho vha vhe kha thelevishini vha tshi khou u ola. Zwo vha zwi kha mabammbiri. Zwauri, lifhasi, liñwe ñuvha, lo fhanduwa kha Zwiñgadzime zwa Aleutia, kana u bva Alaska, u mona na Zwiñgadzime zwa Aleutia, maela dzi todahlo u swika madana mavhili nn̄da ngomu lwanzheni, ha vhuya murahu ngei San Diego, ha ya u mona na Los Angeles, huno ha bva ngei San Diego. Huno ho kokodza intshi dzo vhalaho. Nndu dzo wela fhasi. Mimothele yo dzhena ngomu.

Huno vhorasaintsi kha yuu mutevhe vho—vho vhudziswa. Ha pfi, “Zwo ralo, izwo zwi nga di wela ngomu liñwe ñuvha?”

²³ Ha pfi, “Zwi nga ralo? Zwi do ralo!” Huno a shumisa madzina a saintsia ndila ye luritha lwa... Ulwo ndi lwone lwo vhangaho iyi midzinginyo tshifhinga tshoþhe, u mona na San Diego na fhasi ngomu heneffho. Ho vha afho fhethu ho itaho dindi. Huno zwino hoþhe haho ho thoma u kwashetshela ngomu, vhunga muþavha u tshi wela ngomu, huno zwino hu tou vha goko. Huno ho no tou kokodzea ha si tsha farana, lwa intshi dzo vhalaho. Vha nga kona u dzhia rada na zwithu, huno vha tevhela uyo mutwe, huno vha u swaya. Ndi a vhona he wa vha u hone.

Huno ho kokodzea ha si tsha farana, intshi dzo vhalaho dzo engedzeaho, khamusi intshi mbili kana tharu liñwe ñuvha, hafhu, heneffho nga murahu ha musi uvho vhuporofita ho no ñewa.

Huno avho vhe vha vha tshi khou vhonana na vhorasaintsi, vha ri, “Zwo ralo, hu na khonadzeo ya uri a zwi nga vhi hone nga tshikhathi tshashu.”

²⁴ A ri, “Zwi nga vha hone nga miniti miñanu kana nga miñwaha miñanu; fhedzi zwi khou yo wela ngomu.”

²⁵ Vho-Mme Simpson, a thi elekanyi zwauri vha na riñe namusi. Kana, ndi vhona Mukomana Fred o dzula hafha, fhedzi a thi ñivhi hune Vho-Mme Simpson vha vha hone. Vho ya vha wana vhuporofita he nda vhu ita, nga 1935 kana tshinwe tshithu tsha u ralo, huno ha pfi, “Tshifhinga tshi do da,” zwo ñwaliwa buguni huiwe fhethu, “zwauri lwanzhe lu do tswimilela ndila yalwo ngomu phangani.”

Sedzani zwine zwa do itea. Arali izwo zwigidi zwa maela dza tshikwea zwa wela fhasi ngomu ha luritha lwa lifhasi, huno

zwa redzemutshela ngomu, hu do vha na vha dzimilioni vha no fa nga tshifhinga tshithihi. Huno izwo zwi do vhanga gabelo lihulwanesa! Elelwani, thwii ngomu Lwanzheni lwa Salton, ndi fithi dza qana kana maqana mavhili fhasi ha ndili ya lwanzhe. Hu na khonadzeo ya uri madi a do todou da Tucson, na ilo gabelo lihulwanesa li tshi da u budekanya heneffo. “Huno Iwanzhe lu do tswimilela ndila yalwo ngomu phangani.”

Tshaka dzi khou kwashekana, Israele i khou
karuwa,

Zwiga zwe vhaporofita vhashu vha bvumba;
Maduvha a Vhannda o vhalwa, o hwala zwi
ofhisaho;

Vhuyani, Oo no balanganaho, kha vhañu.

²⁶ Ri kha tshifhinga tsha vhufhelo. Zwino, Murena a ni fhaqtshedze lwa u tou ni pfumisa. Ndo thoma zwezwo huno nda hangwa nga ha tshifhinga. Ri khou yo phinyela nga u t̄avhanya, nga u t̄avhanya nga maanda, ngomu ha Vhutshilo-tshothe, naho zwe ralo.

²⁷ Huno zwino kha Marko Mukhethwa, ndima ya vhu7 na ndimana ya vhu7, u disa linwalwa kha iyi thoho ine ya kha di bva u vhalwa kha Koronika Ya U Thoma 13. U ita linwalwa la iyi, ndi toda Marko 7:7.

...vha nnduvha nga lifhedzi, vha tshi funza pfunzo
ndi milayo ya vhatu.

²⁸ Zwino, a thi divhi tshithu nga nn̄da ha Mulaedza we Murena a m̄ea wone, huno izwo ndi zwenezwo fhedzi zwine ndi nga amba nga hazwo. Huno zwino, nne ndi khou yo amba nga ha thoho matsheloni ano ye nda elekanya zwauri i do vha yavhud̄i. Huno madekwana a namusi ndi toda u amba nga ha, “zwiliwa nga khalanwaha yo teaho,” arali Murena a tshi funa: *Zwiliwa Zwa Muya Nga Khalanwaha Yo Teaho*, na ndila ya u Zwi tanganedza. Zwino, matsheloni ano: *U Lingedza U Itela Mudzimu Tshumelo Hu Si Lufuno Lwa Mudzimu*.

²⁹ Mudzimu ndi muhulwane. Huno ri a vhona hafha zwe Dafita a ita, kha u vhalawa ha Luñwalo lwa Koronika Ya U Thoma 13. Huno o vha...Ndivho dzawe dzo vha dzi dzavhud̄i. Fhedzi Mudzimu ha ri nei zwivhuya nga nthani ha ndivho dzavhud̄i. Hu na ndila nthihi fhedzi ya u shumela Mudzimu, iyo ndi nga u ita lufuno Lwawe nga ndaela Yawe. Huno Mudzimu, e muhulwane, a hu na ane a nga Mu vhudza zwine a tea u ita kana ndila ya u zwi ita. U zwi ita nga ndila ine, A divha ndila yo lugaho ya u zwi ita. Huno izwo zwi nnyita uri ndi pfe ndi wavhud̄i. Huno zwi tea u ita roteuri ri pfe ri vhavhud̄i, huno nne ndi na ngoho ya uri zwi a ita. Ngauri, munwe u do vha Nało li tshi da nga iyi ndila, huno munwe a vha Nało li tshi tshimbila nga iyo ndila, huno munwe nga inwe ndila.

³⁰ Fhedzi tshithu tshithihi tshihulwane, hafhu, nga ha Mudzimu, Ho ngo ri sia, zwino, ri si na u divha zwine zwa vha Ngoho na ndila ya u zwi ita. O vha a si nga vhi o lugaho, kha u ri phanisha nga nthani ha u ita tshiñwe tshithu tshe ra sa tshi divhe uri tsho vha tshi tshi khou yo itwa hani, huno zwenezwo a ri litsha ri tshi khukhulwa ngomu ha tshiñwe tshithu. A si Mudzimu wa ulwo lushaka. Ndiene Mudzimu a no amba Ipfi huno a lavhelela vhana Vhawe u Li tenda. Huno, ngauralo-ha, U divha zwi re zwa khwinesa, na uri zwi itwa lini, na ndila ya u zwi ita. Riñe ri na mihumbulo yashu yazwo, fhedzi Ene u a divha.

³¹ Huno zwenezwo arali A tshi vhekanya sisteme, izwo ndi zwine A khou yo ita, huno ho ngo ri vhudza zwe zwa vha zwi tshi khou yo bvelela na ndila ye zwa vha zwi tshi khou yo bvelela, zwenezwo riñe, ri tshi khukhulwa ngazwo, ri ḋo—ri ḋo itwa vho lugaho kha—kha u khukhulwa hashu; kana, ri tshi khou lingedza u ita tshiñwe tshithu, muiwe na muñwe u do itwa o lugaho. Fhedzi hu na ndila nthihi fhedzi, huno iyo ndi Ipfi Lawe.

³² Huno tshiñwe tshithu, Dafita hafha, ri a vhona uri mbiluni yawe o vha a tshi ḋo u ita tshiñwe tshithu tshe tsha vha tshi tshavhu. O vha a si na tshiñtuwedzi tsho vhifhaho, kana ndivho yo vhifhaho. Fhedzi, nn̄du, kana mbulungelo ya Murena, yo vha i kule na vha—vhathu, huno a ḋo u disa mbulungelo ya Mudzimu murahu kha fhethu hayo, uri vhathu vha kone u kwama Mudzimu malugana na zwithu zwe vha vha tshi zwi ḋo.

³³ Vhudzuloni ha—ha u tou zwi litsha, riñe... Mini-ha arali Mukomana Blair na khotsi a uyu mutukana muñuku vho ri, “Zwo ralo, zwo vhifhesa, nwana u kha di bva u vhaisala, u vhulawa. Ndi a humbulela, tshiñwe tshithu fhedzi tshe tsha bvelela”? Fhedzi vho ya nga u t̄avhanya kha Mudzimu.

³⁴ Mini-ha arali mufumakadzi muñuku, na munna wawe, mushumeli wa Mafhundo-madifha, masiku a si gathi o fhiraho, kana maduvha, musi uyo mufumakadzi muñuku o vha e na uyo muñodo wo fhireaho, we a sokou ima... Dokotela o ri, “U ḋo oma mirado vhutshilo hawé hothe.” Mini-ha arali munna na ene vho vha vho ri, “Zwo luga, mufunwa, ri ḋo tou dikhuthadza kha hezwo”? Fhedzi nga u t̄avhanya vho ita tshiñwe tshithu nga hazwo; vho ya kha Mudzimu. Ndi zwithu zwingana Bivhilimi zwine ri nga amba nga hazwo, zwa ndila ine vhathu musi vha tshi dzhena vhulemeni, vha ya kha Mudzimu!

³⁵ Zwo ralo, zwenezwo, maduvhani ayo, vho vha vhe na fhethu ha u tangana huthihi fhedzi he vha vha tshi kona u tangana na Mudzimu, huno afho ho vha hu kha mbulungelo, fhasi ha malofha. Afho ndi hone fhethu ha u tangana fhedzi hune ha kha di vha hone, fhasi ha Malofha. Tshidzulo tsha khathutshelo tsho handululwa, u nea khathutshelo murabeli, kana muhumbeli, musi a tshi da u humbela tshihumbelwa tsha Mudzimu. Huno

Mudzimu o vha e na kushumele kwa tshipentshela, ndila ine na tea u tshimbila ngayo, na inwi-vho, malugana na hezwo, nahone Ho ngo ṭanganedza tshiñwe tshithu-vho. Ho ngo ṭanganedza iñwe ndisedzo-vho; nga ndila fhedzi ye A zwi vhekanya.

³⁶ A si kale ndo rera Mulaedza, vhunzhi hañu ni a ñivha nga Hawo, wa uri, fhethu huthihi fhedzi ho newaho hune Mudzimu a ṭangana na murabeli, fhethu he A ri, “Ndi do vhea Dzina Łanga.” Arali ri tshi nga wana tshivhidzo tshe A vhea Dzina Ławe ngomu, zwenezwo ri na fhethu. O ri, “A thi nga ni fhañtshedzi khoroni dzothe; khoro fhedzi dze Nda vhea Dzina Łanga khadzo. Ndi do vhea fhethu huthihi, huno ni tea u ṭangana na Nñe heneffho; huno afho ndi hone fhethu fhedzi hune Nda do ṭangana na inwi.” Huno ro wanulusa, nga kha heneffho, he A vhea Dzina Ławe, huno afho ndi hone fhethu fhedzi hune A ṭangana na murabeli. Huno Dzina Ławe lo vha li Yesu Kristo. Dzina la Mudzimu ndi Yesu Kristo.

³⁷ Yesu o ri, “Ndi da Dzinani la Khotsi Anga.” Murwa muñwe na muñwe u da dzinani la khotsi awe. Huno O da nga Dzina la Khotsi.

“Huno a hu na liñwe Dzina fhasi ha Tađulu lo newaho vhathu,” kana vha vhidzwa vha Methodisi, Baphuthisi, Puresbiterieni, tshivhidzo tsha Kristo, tshiñwe na tshiñwe tshire tshi nga itwa. Hu na fhethu ha u ṭangana huthihi fhedzi hune Mudzimu a ṭangana na muthu, huno afho ndi musi e kha Yesu Kristo, fhethu fhedzi. Huno izwi zwithu zwethe zwa kale ngei murahu fhasi ha Testamente Ndala, zwo fanyisa hezwo. Ndi ṭoda inwi ni tshi zwi pfesesa nga ndila i pfalaho. Zwino, ndi ngudo ya tshikolo tsha Swondaha. Ndi na maiñe Maiñwalo na notsi dzo iñwaliwaho hafha fhasi. Ndo elekanya uri izwo zwi do ni thusa u pfesesa, vhunga zwithu zwethe zwa kale zwi tshi bvelela sa tsumbo kha riñe.

³⁸ Zwino, ri wana uri Mudzimu o vha e na ndila ya u ita zwithu. Fhedzi Dafita, o tou fhañtshedzwa nga Mudzimu, vhunga o vha o ralo, huno a vha khosi, o tou elekanya zwauri u do tou itela Mudzimu tshiñwe tshithu, naho zwo ralo. Huno na kathihi ho ngo tshi ita nga ndila yo lugaho.

³⁹ Ri dzhiela nzhele, Mudzimu u dzumbulula Ipfi Ławe nga khalañwaha yo tiwaho Ya Ene muñe. Zwino, naa Martin Luther o vha a tshi nga kona u ñivha hani nga ha Mulaedza ñamusi? Naa Vhapuresbiterieni vho vha vha tshi nga kona hani? Naa Martin o vha a tshi nga kona...kana tshivhidzo tsha Katolika tsha ñivha mulaedza wa Martin Luther? Naa John Wesley o vha a tshi nga kona hani u ñivha mulaedza wa Luther? Naa Wesley o vha a tshi nga kona hani u ñivha mulaedza wa Pentekoste? Kana Vhapentekostała vho vha vha tshi nga ñivha hani uyu Mulaedza? Ni a vhona? U U dzumbulula nga khalañwaha Dzawe, ngauri Ndi Mbeu. Huno musi I tshi aluwa na u vibva, U a Didzumbulula.

⁴⁰ Vhunga mufhiso wa ḋuvha, u vula. Musi u mutete nahone u muswa, u i bvisa mavuni, mbeu; zwenezwo wa i nea maṭari ayo, nga tshiñwe tshifhinga tsha ḋuvha. ḋuvha li do i vhulaha arali i mbeu i no khou vhibva . . . kana tshifhinga tsha u vhibva. Ngauralo, U langa ḋuvha nahone a langa mvelo, u tangana na Ipfi Lawe.

U langa Tshivhidzo, tsho tiwaho, Muselwa, u tangana na khalañwaha ine vha khou tshila khayo.

⁴¹ Na mvelo yone inę i a ri vhudza namusi, musi ri tshi vhona tshaka dzi tshi kwashekana, lifhasi li tshi nupela, muñwalo u kha luvhondo. Ri vhona tshivhidzo na zwiimo zwine tsha vha khazwo.

Ri vhona Muselwa na tshiimo tshire A vha khatsho. Huno ri a zwi ḋivha, nga mvelo, zwauri Tshivhidzo tshi khou dilugisela u ḫuwa. Ndi tshifhinga-de tsha vhugala nandi! Ndi tshifhinga tshe vhaporofita vhoqhe vha ṭulutshela u tshi vhona, ino awara.

⁴² Zwino, U dzumbulula Ipfi Lawe fhedzi nga khalañwaha Yalo. Martin Luther o vhala Bivhili yeneyi nthihi ye ra i vhala. Wesley o vhala Bivhili yeneyi nthihi ye Martin Luther a i vhala. Vhapentekostała vho vhala Bivhili yeneyi nthihi ye ra i vhala. Yesu o vhala Bivhili yeneyi nthihi ye Vhafarisei vha i vhala, fhedzi vho vha vhe na . . . Vha tshi khou lingedza u vhulunga goroi i kha tshifhinga tshi vhilulaho, musi yo vha i tshi khou vhibva, vha kundelwa u vhona awara yavho.

Zwino Dafita o ita zwenezwo zwithihi hafha.

⁴³ Mudzimu u dzumbulula ili Ipfi kha khalañwaha, na kha uyo ane A nanga u Li dzumbulula khae. Mudzimu u nanga uyo ane A Li dzumbulula khae. O nanga uyo shango li sa athu tehwa. Mishumo Yawe yothe yo dzula yo ḋivhiwa nga Ene, yo dzumbelwa muthu. U tou i dzumbulula musi A tshi funa. Ndi khalañwaha Yawe yo nangiwaho, muthu Wawe o nangiwaho. Huno na kathihi Ho ngo nanga tshigwada kana vhakheluwi; ndi muthu o nangiwaho, ndila ine A zwi ita.

⁴⁴ Naa ndi nnyi a no do linga u Mu khakhulula, huno a ri, "Zwino, Murena, Wo ita khakho nga u vhea *uyu* munna mushumoni. *Uyu* munna ha tendi vhunga ri tshi tenda"? Naa ndi nnyi a no khou yo vhudza Mudzimu uri U khou khakha khazwo? Zwi do dzhia muñwe muthu ane a vha zwiñuku two engedzeaho u vha muthu muñuku u fhira mne, u Mu vhudza hezwo. U a ḋivha zwine A khou ita. U a ḋivha uri u tea u nanga nnyi na uri ndi nnyi ane a sa tee u mu nanga, zwine a tea u ita na uri u tea u zwi ita lini. A hu londwi uri ri elekanya zwingafhani uri muñwe muthu u na ndalukanyo ya u ita muñwe mushumo, Mudzimu u a ḋivha uri ndi nnyi a re na ndalukanyo kha itsho tshifhinga na khalañwaha, kana tshifhinga na tshifhinga tsho teaho u zwi ita.

⁴⁵ Huno Mukriste wa vhukuma, wa ngoho; mutendi wa vhukuma, wa ngoho kha Mudzimu, u lindela Murena kha

izwi zwithu. Lindelani kha mushumo waṇu. Arali ni tshi pfa mbidzo, ivhani na ngoho ya uri ndi Mudzimu. Ivhani na ngoho ya uri ndi yone. Ivhani na ngoho ya uri ndi ya tshifhinga tsha zwine na khou amba. Bivhili yo ri, “Vhane vha lindela Murena vha do wana nungo dzavho ntswa. Vha do fhufha nga dziphapha vhunga goni. Vha do gidima huno vha si nete. Arali vha tshi tshimbila, vha nga si ḥoke.”

⁴⁶ Dzhielani nzhele Dafita, khosi ya Israele, i tshi kha di bva u doliswa. Samuele o shululela mapfura khae, huno o vha o nangiwa nga Mudzimu, u vha khosi ya Israele. Huno Dafita o wana iyi nzumbululo, u disa mbulungelo ya Murena u swika muqini wa Dafita. Zwino, a hu na tshithu tsho khakheaho, fhedzi, inwi ni a vhona, Dafita o zwi ita nga ndila yo khakheaho.

⁴⁷ Zwino, zwi vhonala zwi tshi nga arali munna wa u ralo a tshi do wana nzumbululo, munna muhulwane vhunga khosi yo nangiwaho ya Mudzimu, khosi khulwanesa ye ya vhuya ya tshila kha lifhasi, nga nda ha Kristo, ndi a humbulela, yo vha i Dafita, ngauri Kristo ndi Murwa wa Dafita. Zwino, munna muhulwanesa, o doliswaho nga huswa, a tshi bva Vhuhoneni honoho ha Mudzimu, o wana nzumbululo ya u itela Mudzimu tshiwe tshithu, huno a ḥoda u tshi itela Mudzimu; fhedzi nzumbululo yo vha yo khakhea. Zwino, itsho ndi tshithu tshihulwane. Tshi do shuma na ḥoho yashu: *U Lingedza U Itela Mudzimu Tshumelo Hu Si Na U Vhidzelwa U I Ita.*

⁴⁸ Dzhielani nzhele, Dafita o wana nzumbululo. Huno dzhielani nzhele, ho vha hu si muporofita, Nathanaele, we a wana nzumbululo. Ho vha hu Dafita, khosi, we a wana nzumbululo. Nahone a si Nathanaele we a kwamiwa malugana nazwo. Na kathihi ho ngo kwama Nathanaele. Fhedzi no no zwi vhona hafha, kha Koronika Ya U Thoma, o kwama vhokapuṭeni vha zwigidi, na vhokapuṭeni vha mađana? Na kathihi ho ngo kwama Nathanaele. O kwama vhatu, nahone o kwama na vhotshifhe na vhoratheolodzhi vha ilo ḫuvha, vha mařwalo na vhoratheolodzhi. Dafita o thoma a kwama, a ri, “Arali, izwi, zwi tshi vha zwa Mudzimu, kha ri tsele fhasi huno ri dise mbulungelo ya mulanga wa Mudzimu washu, n̄ha ngomu muqini, huno kha ri kwamane na Mudzimu ri sa athu ita zwithu.”

⁴⁹ Fhedzi ha pfi, mađuvhani a Saulo, “Vho litsha u kwama Mudzimu, nga mbu—mbu—mbulungelo, Urimu, Urimu na Thumimu. Vha litsha u ita hezwo.”

Dafita o ri, “Zwino kha ri humele ha Mudzimu, rine rothe! Kha ri humele kha zwithu zwi re zwone. Kha ri tsele fhasi huno ri wane mbulungelo nahone ri i dise fhano, ri dise Vhuhone ha Mudzimu,” nga mařwe maipfi, “ngomu muqini. Kha ri fare mvuseledzo. Kha ri vhuise vhatu murahu.” Fhedzi o wana nzumbululo, ye ya vhonala i yavhuđi, fhedzi yo vha i si lufuno lwa Mudzimu.

⁵⁰ Vhudzuloni ha u vhudzisa tshiko tshe a vha o tea u tshi vhudzisa, o kwama vhokapūteni vhawe, ngauri o vha a tshi kha di bva u vha khosi. Huno o tevhela iyo ndila ya kuelekanyeleye, yeneyo, vhokapūteni vhawe vha khosi na vhanna vhahulwane vhawe.

⁵¹ Zwenezwo a dzhena ngomu tshivhidzoni tsha dzina huno a vhudzisa arali vha tshi nga vha na mvuseledzo. Vhotshifhe, vha mañwalo, vhokapūteni vha vha zwigidi, vhokapūteni vha vha madana, huno a vha kwama. "Naa izwi two vha zwi lufuno lwa Murena?" Huno vha ri two vha lu lwone. Fhedzi, inwi ni a vhona, o kundelwa u humbelu tshibveledzwa tshihulwane tshe Mudzimu tshifhinga tshōthe a shuma nga khatsho. Ni a vhona, o kundelwa u tshi wana.

⁵² Zwino ndivho yawe yo vha i yavhūdi. Tshitutuwedzi tshawe tsho vha tshi tshavhūdi. Ndivho yawe yo vha i yavhūdi, na u disa mvuseledzo muñini, u vhuissa vhatu murahu kha Mudzimu. Fhedzi ho ngo vhuaya a kwama nga ndila ye Mudzimu a mu vhudza u zwi ita. Ni a vhona?

⁵³ Na vhatu vhothe vho tenda, na vhotshifhe, na zwauri khosi yo vha i kha ndila i re yone, "Vho vha vha tshi ḥoda mbulungelo murahu mudini. Zwino, vho vha vha tshi ḥoda Vhuhone ha Mudzimu. Vho vha vha tshi ḥoda mvuseledzo." Fhedzi Mudzimu ho ngo fulufhedzisa u dzumbulula Ipfi Lawe, nga khalañwaha Yaño, kha vhatu. Na kathihi Ho ngo fulufhedzisa u Li dzumbululela khosi, nga khalañwaha. Mudzimu ha shanduki, na zwiñtukujuku. Ho ngo fulufhedzisa u ita hezwo.

⁵⁴ A hu londwi uri hu na u fulufhedzea hani, na uri ndi zwiñtutuwedzi zwavhūdi-de, na uri ndi ndivho dzavhūdi-de, na uri vhatu vha ḥoda izwo zwithu hani na uri vha vhona ḥodea yazwo, hu na lufuno lwa Mudzimu lu no tea u vuledzwa kha izwi zwithu. Izwo ndi zwone zwine nda ḥoda u zwi gwela zwa khwātha, ngauri ndi ḥoda u ita izwi uri ni zwi vhone arali—arali Muya wa Mudzimu u tshi dzula kha inwi. Huno itsho ndi tshone tshi itisaho uri ndi mona-mone tshifhinga tshilapfu hafha. Hu si u dzhia tshifhinga tsha vhoinwi vhatu kha lutingo, na kha vhuñumani, fhedzi ndi—ndi ḥoda ni tshi zwi vhona. Arali na fhelelwa nga tshifhinga, zwenezwo wanani theiphi. Uri heneffho . . .

⁵⁵ A hu londwi uri ndi zwingafhani zwi no ḥodea, ndi zwingafhani zwine muñwe na muñwe a tenda uri zwi a ḥodea, uri ndi zwingafhani uri iyo ndi Ngoho, hu kha di vha na tshithu tshithihi tshine tsha tea u wanuluswa. Naa ulwo ndi lufuno lwa Mudzimu?

Zwino, Mudzimu na kathihi ho ngo fulufhedzisa zwauri U do dzumbulula zwiphiri Zwawe kha khosi Dzawé, U do dzumbulula zwiphiri Zwawe kha vhatu Vhawé.

⁵⁶ Tshiñwe tshithu vhunga tshifhingani tsha Mika, murwa wa Yimila. Musi ri tshi ūwa, hu si liñwalwa, fhedzi nga tshiñwe tshifhinga, u dzhenisa izwi huno nda zwi ita zwa ngoho kha inwi, zwa vhukuma kha inwi, uri ni songo kundelwa u zwi vhona.

⁵⁷ Ho vha hu na, mađuvhani a Mika... O vha e munna wa mushai, nahone na ene ū bva muñani wa vhashai. Fhedzi, Ahaba, khosi ya Israele, sa lushaka lu re fhasi ha Mudzimu, yo vha yo no vhetshela tshikolo nga thungo nahone yo no disa vhaporofita vho khethwaho, vho fuliwaho nga tshanda, huno vha na vha mađana maña vhavho tshikoloni. Huno vho vha vhe vhanna vhahulwane. Vho vha vha sa tou vha vhaporofita vha khole-khole. Vho vha vhe vhaporofita vha Vhahevheru, vhanna vha vhukumakuma. Huno vha kwama Murena nga kha avha vhanna. Huno vho porofita. Fhedzi, inwi ni a vhona, musi makhaulatshela a vhukuma o ða, vhone muhwe na muriwe wavho o vha e nn̄da ha Ipfi la Mudzimu na lufuno. [Tshikhala kha theiphi—Mudz.]

⁵⁸ Ngauri Jehosafati o tsela fhasi a tshi bva Yerusalem u tangana na kho—khosi Ahaba, huno vha ambara zwiambaro zwavho, huno vha dzula nn̄da kha—kha dzikhoro, huno vha disa vhaporofita n̄tha phanða havho. Tsha u thoma, Ahaba a amba, “Ri na fhethu ngeo n̄tha Ramothe-gileada hune zwa vhukuma ha vha hashu.” Zwino, ijo ndi U RALO MURENA. Yoshua o hu khethekanyela vhathu huno a vha nea hone, fhedzi Vhafilista vha li dzhia.

Huno ha pfi, “Fhano vhana vhashu vha ñoda tshinnkwa, huno a ri na shango lo edanaho uri hu bveledzwe tshinnkwa khalo. Nahone swina ñashu, Vhafilista, vha kanzwa vhana vhavho, vhahedeni, nga zwi bvaho kha eneo mavu e Jehovah Mudzimu a ri nea one.” Izwo ndi two livhanaho nga maanda. Huno ha pfi, “Fhano, riñe, vhathu vha Mudzimu, ro dzula fhano na vhana vhashu, ri na thodea, huno swina ñashu li fusha vhana vhalo nga mavu e Mudzimu a ri bvisela one Egipita huno a ri nea one.” Izwo two vha zwi tshi do bveledza ratheolodzhi, two vha zwi si nga ño ralo? A ri, “Naa ri ño gonya huno ra dzhia mavu ashu e Mudzimu a ri nea one?”

⁵⁹ Jehosafati a ri, “Ee, ndi ño ni thusa. Rine ri vhakomana. Vhoinwi ni Yuda, huno nne—nne ndi Yerusalem.” Kana—kana, two vha two fhambanyiswa? Ndi a tenda... Hai, izwo two luga. Ndi elekanya uri zwi... Jehosafati.

Naho two ralo, Jehosafati o vha e munna wavhudzi, khosi, munna o lugaho we a vha a tshi funa Murena. Ahaba o vha e mutendi a dudelaho. Ngauralo vha vha disa fhasi, huno Jehosafati a ri, “Thetshelesani, kha ri kwame Murena, u thoma. Ri tea u wanulusa nga ha izwi.” Ni a vhona, arali Dafita o vha a tshi ño vha o ita zwe Jehosafati a ita! O ri, “Naa a ri tei u ita izwi?”

Huno nga u ñavhanya, e Muisraele, Ahaba a ri, “Zwa vhukuma. Ndi na Vhahevheru vha mađana maña, vhunga

riñe, vhaporofita vha Vhahevheru vha dzangano ḥa rine vhañe. Huno ndi ḥo vha kwama. Vhone ndi vhaporofita.” Zwino, ni a vhona, itonu . . .

⁶⁰ Inwi ni ri, “Izwo zwi a nkhukhulisa, Mukomana Branham. Muporofita?” Oo, iina. Ho vha hu na muñwe tshifhingani tsha Yeremia, we a ri vha ḥo vha fhedzi henengei phasi lwa miñwaha mivhili. Murena o vhudza Yeremia, “fusumbe.” Ha vhewa dzhogo mutsingani wawe, huno muporofita a i vunda, Hanania. Fhedzi ni a ḫivha zwe zwa bvelela khae. Oo, iina. Ni tea u dzula na Ipfi.

Ngauralo avha vhaporofita vho ḥa huno vha porofita, huno vha ri, “Gonyani n̄tha! Murena u na inwi.”

⁶¹ Huno muñwe wavho, ndi a tenda (ndi hangwa dzina ḥawine zwino) uri khosi, Tsedekia, ndi a tenda, o ri, o vhea nanga mbili dza tsimbi huno a ri, “U RALO MURENA. Nga idzi,” zwino uyo munna o vha a tshi fulufhedzea, “ni ḥo sukumedza swina ḥaṇu thwii murahu ngomu mashangoni ało, huno na dzhia zwi re zwa Mudzimu. O ni nea zwone.” A thi tendi uri o vha e muhoi. Ndi tenda uri o vha e munna wavhudzi. Ndi tenda uri avho vhaporofita vhothe vho vha ralo.

⁶² Inwi ni ri, “Vhaporofita?” Ee! Elelwani, munna onoyo we a nea thendelo ya u vhulaha Yesu Kristo, o porofita, ngauri ho vha hu ofisi yawe. O vha e tshifhe muhulu nga uyo ḥawaha. Huno ngauri o vha e na iyo ofisi, huno a fara iyo ofisi, Muya wa Mudzimu wo ḥa khae. Izwo a zwo ngo amba uri o vha o tshidzwa kana tshiñwe tshithu nga hazwo. Huno o porofita, Kayafa, ngauri ho vha hu ofisi yawe ye ya zwi ita.

⁶³ Huno avha vhaporofita, vhe vhaporofita, vha muporofita wa ofisi, vho porofita. Huno Muya wa Mudzimu wa ḥa khavho, vhanna vhe vha vha vhe na zwifhiwa zwa Muya.

⁶⁴ Ndi a limuha uri nne ndi khou amba na Vhapentekostała vha fuṭaheṭahe. Fhedzi vhanna zwifhinga zwinzhi, munna, Mudzimu u a kona u shuma navho, a vha nea tshifhiwa, huno vhathu vha ḥo kwanyeledzana u dzhena kha avho vhathu. Arali vha songo vhidzwa lwo fhelelaho na u ruñwa nga Mudzimu, u ḥo vhangela uyo munna kana musadzi u amba tshiñwe tshithu tshire tsha sa vhe lufuno Lwawe, ngauri vhathu vha a vha kombetshedza u zwi ita.

⁶⁵ Nga ndila ye nda ḥo tea u fara mufunzi muñuku wa rine vhañe hafha nga hazwo. Ngeno nn̄da matšakani nga mañwe matsheloni, i tshi todou rwa awara ya vhuraru n̄tha ha tshithoma nga matsheloni, ha pfi, “Iya u vhudze Murathu Neville!” Ndo ḥa kha inwi, a tho ngo ralo, Murathu Neville?

⁶⁶ Muñwe na muñwe, “Murathu Neville, mmporofite. Mmbudze itshi kana itsho.” Ni a vhona? Inwi ni ita uri a ambe-ha zwithu zwine zwa sa ḥo khunyelela.

“Avho vha no lindela,” u wanulusa zwine Murena a ḥoda u ita. Ni a vhona?

⁶⁷ Ngauralo avha vhanna vho zwi sedza nga tshipfi tsha mvelo, “Ndi zwashu.” Fhedzi, inwi ni a vhona, a vho ngo wana Ipfi na lufuno lwa Mudzimu.

⁶⁸ Zwenezwo Mika a tsela fhasi, huno o vha e na bono. O todisia nga vhusedzi, u thoma, ni a dzhiela nzhele. Ha pfi, “Lindelani. Nneeni madekwana a ɻamusi. I ri ni ndi wanuluse, huno matshelo khamusi ndi nga kona u ni fhindula.” Ho ngo ḥavhanya, “U RALO MURENA,” nga u tou ralo, kha u tendelana na vhañwe vhaporofita. O ri, “Ndi do amba fhedzi zwine Mudzimu a amba.”

Huno ḫuvha li tevhelaho, ri a wanulusa, Mudzimu o mu vhudza zwine zwa do bvelela. Huno zwone zwa vhukumakuma two vha two fhambana na vhañwe. Tshikolo tshothe, tsho vha tsho fhambana. Nahone muñwe wavho o ya huno a mu bamudza kha tshifhañwo, nga nñhani hazwo. Fhedzi, ni a vhona, o lindela. Zwenezwo musi o ita hezwo, o vhambedza vhuporofita hawe, bono lawe, na Ipfi lo ñwaliwaho, huno lo vha li tshi andana na Ipfi.

⁶⁹ Musi muñwe muthu a tshi ri vha “na nzumbululo ya u lovhedza nga Dzina la ‘Khotsi, Murwa, Muya Mukhethwa,’” izwo two fhambana na Ipfi. A hu na muñwe wavho vhothe we a vhuya a ita. Musi vha tshi amba, zwauri, “Oo, ri khou yo ima, na *itshi, itsho, na tshinwe*,” na zwiñwe-vho, izwo two fhambana na Ipfi. Musi vha tshi ri a vha “tendi mbeu ya ñowa,” izwo two fhambana na Ipfi. Izwi zwiñwe zwithu zwothe, izwo two fhambana na Ipfi. Hu fanela u vha Ipfi nahone kha khalañwaha.

⁷⁰ Zwino, arali Dafita o vha o ita hezwo fhedzi. Mbulungelo yo vha i tshi khou da, fhedzi hu si nga itsho tshifhinga; ho vha hu si na fhethu hayo.

⁷¹ Dzhielani nzhele zwino musi vho tsela fhasi u wana mbulungelo, vhahulisei vhothe vho ri, “Itsho ndi tshone tshithu tshi no tea u itwa, Dafita. Vhugala kha Mudzimu! Ri ḥoda mvuseledzo.” Iyo yo vha i Pentekoste ya vhukuma, ɻamusi; Baphuthisi, Puresbiterieni. “Dafita, iwe u khosi yashu! Vhoinwi nothe... Kaputeni *Mukeneñene*, na Meyara *Mukeneñene*, na Mudzhenerala *Mukeneñene*, vha do vha muñganonni wañu. Mulandu, vha ri itsho tshi tou vha tshone tshithu tshi no tea u itwa, Dafita. Shango lothe li ima na iwe.”

Iyo ndi yone thaidzo ɻamusi. A thi ḥodi shango. Ndi ḥoda Mudzimu, arali hu si muñwe muthu-vho o imaho.

⁷² Dafita o vha e na vhokapuñeni vhothe. O vha e na tshumisano na mmbi dza maswole. O vha e na tshumisano na dinomineisheni dzothe, na vhoratheolodzhi vhothe, na vhothe, muñwe na muñwe a tshi khou tendelana nae. Ahaba o ita nga

u ralo, na vhańwe Luńwaloni; fhedzi o vha a si na Mudzimu, ngauri o vha e nnđa ha lufuno lwa Mudzimu. Ndi a fhulufhela uri izwi ri a zwi wana.

⁷³ Dzhielani nzhele, vho ita tshithu tshińwe na tshińwe tsha vhurereli tshe vha kona. Hu na khonadzeo ya uri vho vhea dzikhunguwedzo nnđa na tshińwe na tshińwe, "Mvuseledzo khulwane! Mbulungelo i khou yo vhuisiwa. Ri khou yo vha na mvuseledzo. Ri khou yo ita *itshi*."

⁷⁴ Dzhielani nzhele, o ruma vhaimbì. O ruma vhathu vhe na dziharipa, na phalaphala, huno vha ita tshithu tshińwe na tshińwe tsha vhurereli tshe vha vha vha tshi dívha u tshi ita; huno naho zwe ralo Mudzimu o vha a siho khazwo.

Nga ińwe ndila ri a zwi vhona zwi tshi khou dovhola, a ri ralo?

⁷⁵ Vho dzhia vhaimbì vhothe. Vho dzhia vhatambi vha haripa, vhalidzi vha phalaphala; vhasadzi, vhanna, na muiwe na muńwe we a vha a tshi imba. Vho vha dzhia vha vha isa ngei phasi, huno vho fhira nga kha nyito ińwe na ińwe ya vhurereli.

A thi todí u amba izwi, fhedzi ndi tea u zwi amba. Dinomineisheni idzi dzo ralo ñamusi, dza Pentekoste na dzothe, dzi khou fhira nga kha nyito ińwe na ińwe ya vhurereli, ya u imba na u ḥavha mukosi.

⁷⁶ Dzhielani nzhele, Dafita o ḥavha mukosi nga maanda awe othe, huno a zhamba, huno a fhufha, huno a fhira nga kha nyito ińwe na ińwe ya vhurereli ye ya vha i tshi nga kona u vha hone; huno naho zwe ralo Mudzimu o vha a siho khazwo. Huno tshińuwedzi tshawe, na ndivho yawe, na tshińwe na tshińwe tsho vha tshi tshone; fhedzi o zwi tshimbidza nga ndila i si yone. Ni a vhona? O ita misudzuluwo yothe ya vhurereli; o ḥavha mukosi, o imba, a vha na vhaimbì vha tshipentshela, vhaṭavhi vha mukosi vha tshipentshela, tshińwe na tshińwe-vho. Vho tshina muyani. Vho ita tshińwe na tshińwe tshe tsha vha tshi tsha vhurereli.

⁷⁷ Ndi tshińwe tshithu tshi no nga khuvhangano dzashu khulwane dla tshifhingani tshashu. Vha todá u winela shango kha Kristo. A hu na tshithu tsho raloho. Mvuseledzo khulwane dla u ḥanganya shango, zwithu zwi hulwane zwi tshi khou bvelela; arali vho vha vha tshi nga kona u limuha, ilo ḫuvha lo fhira. Lo haṭulwa. Fhedzi vha khou fhaṭa, dzikhuruseidi, madzangano, na tshińwe na tshińwe. Fhedzi, mvelelo dzi tou nga dze dla vha dzi zwone tshifhingani tsha Dafita, a dzo ngo shuma.

⁷⁸ Rine ri a ya huno ra vha na mvuseledzo. Vhashu vhahulwane, vhańwe vha vhaevangeli vhahulwane vhashu ñamusi, vha ri vha na vharembuluwi vha zwigidi zwa furaru, nga tshifhinga tsha vhege dla rathi; huno ñwaha u bva heneffo, humelani murahu, vha nga si kone u wana vha

furarū. Hu na tshinwe tshithu tsho khakheaho. Tshine tsha vha tshone, tshi tou vha tshenetsho tshithu tshithihi tshe Dafita a ita. Vhahulisei vhahulwane, vhanna vhahulwane, vhareri vhahulwane, zwikolo zwihiulwane, maanda mahulwane, fhedzi vha kha di kwama dinomineisheni ya kale vhudzuloni ha u sedza kha tshifhaṭuwo tsha Ipfi la Mudzimu huno vha vhona musi hu khalañwaha. Inwi ni nga si kone u bveledza zwiñwe zwiliwa nga nnđa ha zwiñwe zwifhinga zwa ñwaha.

⁷⁹ Zwino kha ri vhone zwe zwa bvelela. Naho yavho... Munyanyuwo wavho wa vhurereli na zwithu zwo vha zwi zwihiulwane, ndivho dzavho dzo vha dzi khulwane, khuruseidi yavho yo vha i khulwane, u imba havho ho vha hu huhulwane, u tshina havho ho vha hu huhulwane, u ḥavha mukosi havho ho vha hu huhulwane, muzika wavho wo vha u muhulwane, nahone vho vha vhe na mbulungelo. Naa mbulungelo i farisani i si na Mudzimu? I tou vha bogisi la thanda, mađaba a si gathi a tombo.

Izwo zwi fana na u dzhia tshilalelo, u lovhedzwa. Naa zwi farisani u lovhedzwa arali ni songo thoma na shanduka? Naa zwi farisani, u dzhia tshilalelo, na vha muhoi, arali ni sa tshili vhutshilo huno na tenda Ipfi la Mudzimu liñwe loþe? Na dzhia tshipida Tshało, huno hu si zwiñwe Zwało zweþe, zwi sumbedza uri hu na tshinwe tshithu tsho khakheaho.

⁸⁰ Zwino, musi izwi zweþe zwi tshi bvelela, kha ri vhone zwino zwine zwa bvelela musi Mudzimu, na tshikhathi Tshawe na tshifhinga Tshawe, zwi sa dzhielwi n̄ha; hu tshi tou vha muhumbulo wa vhatu.

⁸¹ Vhatu vhanzhi vho ri kha nñe, “Ndi ngani ni sa di hangeno huno na fara muþangano? Žwo luga, ri a ni vhidza. Sainani *itshi, itsho*, kana *tshinwe*.”

Lindelani! Inwi ni nga di tshi ḥoda, fhedzi Mudzimu u ri mini nga hazwo? Vhatu vhanzhi vho ri kha nñe... Ndo no rambiwa, ndo no vha na mihudzisano, mihudzisano ya vhuñe na zwithu, nda lindela ñwaha. Lindelani! Naa ndi do zwi ðivha hani zwine nda tea u amba u swika Mudzimu a tshi mmbudza zwine nda tea u amba? Ni a vhona, ndi tea u lindela! Itsho ndi tshone tsho itisaho uri ndi ri, “Zwi ñwaleni izwo. I ri ni ndi vhone zwe A amba.” Ni a vhona? Lindelani! “Vhane vha lindela Murena vha do wana nungo dzavho ntswa.” Izwo ndi zwone?

⁸² Dzhielani nzhele, vho vhudzisa fhedzi vhotshifhe vha ilo ðuvha, vhoratheolodzhi, dzidinomineisheni. Huno dzhielani nzhele, nga u ita hezwo, vha tshi vhudzisa vhotshifhe na u vhudzisa tshivhidzo, vha tshi vhudzisa vhatu, vho zwi ita nga ndila yo khakheaho.

⁸³ Dzhielani nzhele, mbulungelo yo vha i Ipfi. Ri a zwi ðivha uri izwo ndi zwone. Ngauri, mbulungelo ndi Kristo, huno Kristo

ndi Ipfi. Ni a vhona? Mbulungelo, kana Ipfi, a lo ngo vhewa nga vhuimo hało ha u thoma, ho odeiniwaho, ho odeiniwaho lwa vhubvo. Oo, ni songo kundelwa u wana izwi, tshivhidzo!

Tshiňwe na tshiňwe tsho vha tsho fhelela, nahone tshiňwe na tshiňwe tsho vhonala tshi tshavhudi, vhunga mvuseledzo khulwane yo vha i tshi khou ḫa; fhedzi ngauri vho kundelwa u kwama muthu ene-ene nga hazwo! Vho kwama vhotshifhe, vho kwama vhahulisei, vho kwama vhoratheolodzhi, vho kwama vhaimbī, huno vha kuvhanganya tshiňwe na tshiňwe vhe kha lithihi, na dzangano lihulwane la zwa vhuswole, nahone na dzone-dzone-dzone mmbi dza lushaka. Tshiňwe na tshiňwe tsho vha tshi kha nyandano u itela muṭangano muhulwane, fhedzi vho kundelwa u kwama Mudzimu. Ahaba na ene o vha nga u ralo, na vhaňwe vho vha nga u ralo. Ndi tshikhathinyana-de nandi!

⁸⁴ Zwino zwi songo ni fhira izwi. Vho kundelwa u zwi wana, ngauri vha songo kwama. Huno nga u ita izwo... Sedzesani. Nga u ya kha vhotshifhe, nga u ya kha vhoratheolodzhi, na nga u ya kha mmbi dza vhuswole, nahone vha sa vhuyi vha dzhieila n̄tha mudžinda wavho o ruňwaho nga Mudzimu wa awara, Nathani, vho zwi khakha. Vho ya huno vha hwala mbulungelo huno vha i vhea kha gariki ntswa, vha i vhea kha gariki ntswa, kana, “dinomineisheni ntswa i khou yo thoma,” nahone hu si kha ndila yo newaho nga Mudzimu, yo odeiniwaho u i hwala. Yo vha i tshi tea u hwaliwa kha mahāda a Vhalivi. Fhedzi, inwi ni a vhona, musi ni tshi thoma nga ndila yo khakheaho, ni do dzulela u khakha.

⁸⁵ Arali gulu i tshi tea u livhiswa kha gobane, huno na khwiđa lwobo na i bvisa hafha kha tshithihi tsha zwa zwigidi, tsha u tou thoma, kha dzharata dza ḫana no bva nga intshi nn̄a kana ḫanu. Ni thoma nga ndila yo khakheaho.

⁸⁶ Oo Mudzimu, ri farise u divha uri itshi tshithu tsho thoma nga ndila yo khakheaho, idzi khuruseidi khulwane dza awara, nahone dzi vhidzwa nga u ralo. Mudzimu ha kwamiwi malugana nazwo. Vhotshifhe na vhanna vha vhurereli vha a kwamiwi. Madzangano a a vhudziswa. “Zwo luga, ni do vha na *tshino-na-tshila*? Ndi a tenda, arali ri tshi nga kuvhanganya muňwe na muňwe!” Ni songo kuvhanganya muňwe na muňwe. Itonu wana Ipfi la Mudzimu nga hazwo.

⁸⁷ Zwenezwo ri wana uri, musi ri tshi ita izwo, naa vha itani? Vha bvela phanda vha sa fhidzi na mbekanyamushumo yavho ya vhurereli ya kale, ine ya vha hu uri yo bva kha Ipfi la Mudzimu na kha lufuno lwa Mudzimu. Itshe tshithu tsho fa, miňwaha yo fhiraho, izwo zwithu zwo omaho zwa kale zwa miňwaha yo fhiraho.

⁸⁸ Zwo oma maduvhani a Murena Yesu. A vho ngo zwi divha. Ho pfi, “Arali no divha Mushe, no vha ni tshi do vha no Nndivha, ngauri Mushe o ri Ndi khou da.”

Ha pfi, “Vhokhotsi ashu vho la mana sogani.”

⁸⁹ Ha pfi, “Vhothe vho fa!” “Vho pofula,” O vha vhidza, Vhafarisei, vharangaphanda vha vhurereli. “Nndani ha musi ni tshi tenda uri Ndi nne Ene, ni do fela zwivhini zwañu.” Fhedzi a vho ngo zwi ita. Vho vha vho dzula tshothe ndilani dzavho. Vho do tea u zwi ita nga ndila yavho.

⁹⁰ Iyo ndi ndila ye Dafita a zwi ita. O zwi ita nga ndila yawe, ngauralo o tou ri, “Ni a divha zwine nda do ita? Ri khou tuwa.” O vha e na nzumbululo. “Ri khou tuwa zwino, ngauralo ri do ita ndila ntswa. Maduvha a madembe o fhira, ngauralo ri do tou diitela linwe dzangano. Ri do fhaña gariki ntswa, ri tshi sumbedza uri tshithu tthiswa tsho thoma.” Ndi vhuporofita-de ha khole-khole nandi!

⁹¹ Inwi ni tea u humela murahu kha ndila ye Mudzimu a ri ni zwi ite. Vha i vhea ntha ha mahada a Vhalivi, huno afho ho vha hu nga ntha ha mbilu. Mbulungelo, Ipfi, a si la u hwalwa nga dinomineisheni ntswa, nga theori dza munwe munna, fhedzi mbiluni. Ipfi la Mudzimu a si la u farwa nga dinomineisheni; Ndi la u farwa nga mbilu ya munna, hune Mudzimu a nga dzhena ngomu heneffo huno a Didzumbulula. Huno arali a zwi dzumbulula u ya nga Ipfi, ndi Mudzimu; arali zwi si zwone; a si zwone.

Huno, zwenezwo, Ipfi la iyo khalañwaha! Ngoho, Mufarisei o vha a tshi nga ri, “Naa ndi nnyi we a ri vhudza uri ri nga si ite itshi nahone ra ita itsho? Mushe o ri nea idzi ndaela.”

“Fhedzi Mushe o amba na zwauri . . .”

Sathane o ri, “Malandu, ho nwaliwa, ‘U do nea Vhawé Vharu- . . .’”

⁹² “Nahone ho nwaliwa,” o amba Yesu.

Khalañwaha, tshifhinga! “Arali no divha Mushe! Ni na muthihi a no do ni hwelela, Mushe. Arali no vha no divha Mushe, no vha ni tshi do vha no Nndivha,” A ri, “ngauri Mushe o nwala nga ha Nne. ‘Murena Mudzimu wañu u do vusa Muporofita vhukati hañu, wa vharathu vhanu; Ene vha do mu pfa.’” Arali vho vha vha tshi do vha vho divha Mushe, vho vha vha tshi do vha vho Mu divha.

⁹³ Zwino valani, thetselesani, zwi songo ni fhira izwi zwino. Ni a vhona, tshithu tsha u thoma, musi vho kwama vhotshifhe, vho kwama vhahulisei, vho kwama vha vhuswole, vho kwama tshivhidzo tshothe, vhupo, u kuvhanganelu uyu muñangano muhulwane u no do da, vho kundelwa u zwi ita nga ndila yone. A vho ngo kwama Mudzimu. Huno, nga u ita nga u ralo, vha sa humeli murahu huno vha vhona uri ho vha hu tshifhinga-de!

⁹⁴ Oo, mukomana, thetshelesani. Naa ri khou tshila tshifhingani tshifhio? Naa tshikhathi ndi tshifhio? Naa ndi awara ifhio ine ra khou tshila khayo? A si tshifhinga tsha izwi zwithu zwine ra khou amba nga hazwo. Itsho tsho fhira. Khathulo i tsini zwino. Inwi ni nga i vhona i tshi thoma. Ni a ezelwa tombo ngei ntha ha thavha? Awara ya khatulo! Ni a ezelwa nzumbululo, kana bono la Muselwa? Itonu Mu litsha e kha liga. Ni songo Mu tendela a tshi bva kha liga.

Dzhielani nzhele, “N̄tha ha mahāda a vhotshifhe!”

⁹⁵ Huno Dafita na vhotshifhe vhotshifhe, avho zwa vhukuma vho vha vho tea u vha vho divha zwa khwine, fhedzi ho vha hu mini? Vhotshifhe vha vho tea u vha vho divha zwa khwine. Vha manwalo, vhoratheolodzhi, vho vha vho tea u vha vho divha zwa khwine, ngauri Ipfi lo amba uri izwo zwi songo itwa.

⁹⁶ Huno ɻamusi musi vha tshi ḥoda u ri, “Oo, Yesu Kristo a si a sa shanduki mulovha, ɻamusi, na lini na lini. Izwo ndi u vhala muhumbulo. Izwo ndi *its̄hi*, *its̄ho*, kana *tshinwe*.” Vha kundelwa u vhona Ipfi lo fulufhedziswaho. “Oo, ilo lo vha li la duvha lo fhiraho.”

Dafita o ri, “Oo, zwo luga, zwino lindelani lwa muniti. ‘Kha mahāda a—a vhotshifhe,’ izwo zwo vha zwi zwa ngei murahu musi Mushe a tshi bva. Ngoho, riñe, ri do i vhea kha gariki ntswa ɻamusi. Ndi na nzumbululo yazwo.”

⁹⁷ Vhotshifhe vha ri, “Amene, Dafita!” Ni a vhona, vho tuṭuwedzwa nga khoro ya u vhuedzanya yavho ntswa, uri vhotshifhe vha tea u vha fethu huthihi huno vha ita its̄hi nga *iyi* ndila na nga *iyo* ndila, izwo ndi zwe zwa vhangela vhotshifhe u khukhulwa. Na kathihi a vho ngo kwama muthu ene-ene. A vho ngo zwi ita nga ndila yone, ngauralo-ha vha dzhena vhulemeni. Iina.

⁹⁸ N̄ne ndi a ofha, kha zwithu zwinzhi ɻamusi... Musi mudededzi muhulwane, muñiwe wa vhañulwane vha Pentekoste, o ima phanda ha tshigwada tsha vhurereli nga vhuriwe vhusiku ngei Chicago. Ndo vha ndi tshi tea u vha na uyo muñangano na Vhanna Vha Bindu; fhedzi ndo elekanya zwauri ndi do vha kha la Afurika nga its̄ho tshifhinga, fhedzi ndo tou humela murahu duvha la musi zwi sa athu thoma. Huno vho nanga muñali muhulwane wa Pentekoste, huno a ima huno a vha vhudza zwauri iyi nyito ya u vhuedzanya yo vha i tshithu tsha Mudzimu. Huno a ri vhone vhotshifhe vha khou vhuya, na tshivhidzo tsha Katolika tshi khou yo vhuya kha nyimele yatsho ya vhubvo, vhotshifhe vha tshi amba nga dzindimi sa vhuñanzi, na zwiñwe-vho. Huno vha sa zwi ñivhi uri its̄ho ndi tshikwekwe tsha diabolo!

⁹⁹ Huno munna we nda sa mu ñivhe... Tshinwe tshifhinga inwi ni zwala mbeu; a ni ñivhi zwine zwa khou yo bvelela. Fhedzi muphuresidennde wa Vhanna Vha Bindu Vha

Mafhungo-maqifha O Dalaho, zwenezwo tshiambi tshihulwane tsho no dzula, a ri, “Nne ndo dowela u sa amba zwithu zwi hanedzanaho na vhareri vhashu, fhedzi iyo a si ndila ye Mukomana Branham a ri zwi do bvelela. Fhedzi o ri izwo zwi do isa kha luswayo lwa ḥivhanda.”

A ri, “Fhedzi Mukomana Branham ha ḫivhi zwine a khou amba nga hazwo.”

Ha pfi, “Riṇe ri... tenda uri u a ralo.” Ni a vhona?

¹⁰⁰ Huno ngei Chicago, ha pfi, “Naa ndi vhangana fhano vha no do takalela ndi tshi da nda ḫea vhuṭanzi hazwo?” Vha thoma u zhamba na u ḫavha mukosi.

Ni a vhona, ni khou zwala mbeu; a ni ḫivhi zwine zwa khou yo bvelela. Dzulelani fhedzi u gobela Mbeu. Musi iyo awara i tshi da, vhaṇwe vhavho ndi... .

¹⁰¹ Vhunga Thoma, o ḫodou vha ene wa u fhedzisela u vhona Murena. Fhedzi, o do tea u Mu vhona, u Mu tenda. Ni a vhona, musi vha tshi zwi vhona zwi tshi bvelela. Oo, Thoma u a dzhena, fhedzi o vha o lenga zwiṭuku.

¹⁰² Zwino musi vha tshi vhona zwithu zwo bvumbiwaho, nahone vha tshi ri U RALO MURENA, li a bvelela, zwenezwo vha ri, “Ri ḫeeni maṇwe Mapfura aṇu.” Ni a vhona?

¹⁰³ Fhedzi zwino dzhielani nzhele, thuṭhuwedzo. Tshiṇwe tshifhinga vhanna vhahulwane vha a kuvhangana. Ni a vha pfa vha tshi ri, “Mukenerenene Muhulwane, na Mukenerenene muhulwane, muhulwane washu...” Ni songo ita izwo na kathihi.

A hu na vha re vhahulwane vhukati hashu. Hu na Uyo muhulwane muthihi fhedzi, huno uyo ndi Mudzimu. Riṇe ri vhakomana, dzikhaladzi. A thi londi arali ni tshi khou lisa tshivhidzo tshi re na vhatatu vhaṭanu khatsho, izwo a zwi ni iti muṭuku; izwo zwi ni ita mukomana, ni a vhona, arali ni wa ngoho kha Ipfi la Mudzimu. A thi londi uri mini, hani; inwi a ni vhi muṭuku. Mudzimu ha na vhana vhaṭuku na vhana vhahulu. U tou vha na vhana. Vha a fana vhoṭhe.

¹⁰⁴ Dzhielani nzhele, Mudzimu Ene muṇe o tsela fhasi a tshi bva kha mafhethu a ivori a Vhugala, u vha muṇwe washu. Zwino ndi nnyi uyo muhulu? O dzhia... Hu si u tsela fhasi hafha u dzhia tshivhumbeo tsha tshifhe, fhedzi mulanda. O tanzwa ḫeneḍo vumba ḫe A sika, ḫayo dza vhaapostola Vhawe na vhaṇwe. Zwino ndi nnyi a re muhulwane?

¹⁰⁵ Fhedzi avha vhanna, vho vha vho tuṭuwedzwa. A vho ngo pfesesa. Vho elekanya uri tshiṇwe tshithu tshiswa tshi khou yo bvelela, hai, tshiṇwe tshithu tshe Mudzimu a sa ambe uri tshi khou yo bvelela. Vho ya khatsho nga ndila i si yone.

Izwo ndi zwe aya mafulufulu oṭhe, musi...dzi tshi thoma ngei murahu, tshifhinga tshilapfu tsho fhiraho, dinomineisheni

iñwe na iñwe yo ño tea u vha na mufhodzi Mukhethwa; dinomineisheni iñwe na iñwe yo ño tea u vha na *itshi, itsho*, kana *tshinwe*. Dinomineisheni iñwe na iñwe yo ño tea u vha na Dafita muñuku. Iñwe na iñwe yo ño tea u vha na *itshi, itsho*, kana *tshinwe*. Ni a vhona zwe zwa bvelela? Zwo ita tshenetsho tshithihi tshe zwa ita hafha. Tshenetsho tshithihi. Thuñhuwedzo!

¹⁰⁶ Ipfi la khalañwaha, tshifhinga tshe vha vha vha tshi khou tshila khatsho, a tsho ngo londiwa.

¹⁰⁷ Dzhielani nzhele, “mahaña a Vhalivi,” o vha e ndila ya vhubvo, yo ñetshedzwaho nga Mudzimu ya u ita izwi zwithu. “Vheani iyo mbulungelo kha mahaña a Vhalivi.” Tshinwe tshithu tshi re nga nnđa ha hezwo tsho vha tsho fhambana. Zwe A amba, izwo ndi zwe A vha a tshi khou amba zwone. Mudzimu a nga si kone u shanduka. Itsho ndi tshone tshiitisi, dzulanai na Ipfi Lawe! Ndi na Luiñwalo, iina, Koronika Ya U Thoma 15:15, arali ulwo ni tshi ñoda u lu ñwala fhasi. Dzhielani nzhele.

¹⁰⁸ Zwino dzhielani nzhele, heneffo, kha u tevhela Mudzimu. Zwino ndi ñoda ni tshi nga ni a ñwala izwi thalukanyoni yanu. U vhulunga milayo ya Mudzimu, u itela Mudzimu tshinwe tshithu tshi re tshone, u itela—itela Mudzimu tshumelo nga ndila yo lulamaho, hu na zwa u kombetshedza zwiñanu, u itela Mudzimu tshumelo nga ndila yo lulamaho.

¹⁰⁹ Zwino Dafita o vha a tshi khou itela Mudzimu tshumelo. O vha a tshi khou ita tshinwe na tshinwe tshe a vha a tshi divha u tshi ita, nnđani ha u tutshela Mudzimu. Ni a vhona? O vha a tshi khou ita tshinwe tshithu tshe tsha vha tshi tshone, tshinwe tshithu tshavhuñi kha vhathu, tshinwe tshithu tshavhuñi kha tshividzo.

¹¹⁰ Fhedzi hu na zwa u kombetshedza zwiñanu. Ndi ñoda inwi ni tshi elelwa izwi. A hu londwi uri munna a nga vha a fulufhedzeaho hani kha u i ita, a tshi itela Mudzimu tshumelo, izwi, hezwi zwiñanu zwi fanela u vha hone.

Tsha u thoma, hu fanela u vha tshifhinga Tshawe tsha u zwi ita.

¹¹¹ Mini-ha arali—arali Mushe o vha a tshi ño ña, a ri, “Ri ño fhaña gungwa huno ra papamala kha Nili, vhunga Noaxe o ita”? Tshifhinga tsha Noaxe tsho vha tsho lugela gungwa, fhedzi hu si tshifhinga tshawe.

¹¹² Mini-ha arali Yesu o vha a tshi ño ña, a ri, “Zwino Ndi ño ni vhudza zwine ra ño ita. Ri ño tou gonya thavhani, vhunga Mushe o ita, huno ra wana ndivhiso ntswa ya milayo”? Ni a vhona? Huh-uh! O vha e uyo mulayo. Ni a vhona?

¹¹³ Inwi ni fanela u vha nga tshifhinga Tshawe. Hu fanela u vha nga khalañwaha Yawe. No zwi wana izwo zwino? Hu fanela u vha nga tshifhinga Tshawe. Hu fanela u vha nga khalañwaha Yawe, tshifhinga na khalañwaha.

¹¹⁴ Huno hu fanela u vha u ya nga Ipfi Lawe lo no ambiwaho. Hu fanela. A thi londi uri ni amba zwavhudzi hani uri *itshi* tshi tea u ralo, kana *itsho* tshi tea u ralo, kana *itshi* tshi tea u ralo. Tshi tea u vha u ya nga Ipfi Lawe; u ya nga tshifhinga Tshawe na khalañwaha Yawe.

Huno tshi fanela u vha u ya nga, muthu we Ene a mu nangela u zwi ita ngae.

¹¹⁵ A thi londi uri vhahulisei ndi vhangana. Hu na khosi Dafita, ane a vha muhulwane sa muñwe na muñwe wawho. O vha e khosi kha lushaka. Fhedzi O vha e na ndila ya u zwi ita, nahone O vha o vha vhudza uri U do zwi ita hani. Fhedzi vho kundelwa u zwi ita.

¹¹⁶ Hu fanela u vha u ya nga Ipfi Lawe; u ya nga tshifhinga Tshawe, u ya nga mbekanyamushumo Yawe.

¹¹⁷ Huno hu fanela u vha nga muthu we A mu nanga u mu nea tshone na u tshi ita. Mushe o lingedza u tshi shavha, "Dzhia muñwe muthu-vho." Fhedzi Mudzimu o nanga Mushe u zwi ita. Vhunzhi havho; Paulo o lingedza u bva khatsho; vhañwe vhanzhi. Fhedzi tshi tea u vha nga uyo ane Ene a nanga uri a tshi ite.

Huno tshi fanela u ða, u thoma, kha vhaporofita Vhawe. Ipfi la Mudzimu li fanela u ða kha vhaporofita Vhawe. Amosi 3:7, "Murena Mudzimu ha nga iti tshithu u swika A tshi thoma a Li dzumbululela mulanda Wawe muporofita." Ina.

¹¹⁸ Huno muporofita u fanela u khwañhisedzwa nga Ipfi la Mudzimu.

¹¹⁹ Ngezwo zwa u kombetshedza zwanu zwiñanu. Zwi tea u vha nga iyo ndila. Tshifhinga Tshawe, khalañwaha Yawe, uri O ri zwi do vha lini; na munna we Ene a mu nanga; huno zwi fanela u ða kha muporofita; huno muporofita u fanela u vha muporofita o khwañhisedzwaho. Ri a wanulusa, vhunzhi havho Bivhilini, zwi da kha vhaporofita huno zwa khwañhisedzwa. Muporofita washu ndi Yesu Kristo.

¹²⁰ Ngauralo zwino dzhielani nzhele, ni a vhona, Mudzimu ho ngo dzumbulula tshithu khavho nga ndila yo ñetshedzwaho Yawe ya u zwi ita. Vho vha vho ñanganedza ndila ya Dafita. Vho vha vho ñanganedza ndila ya vha mañwalo, ya vhoratheolodzhi, fhedzi hu si ndila ya Mudzimu. Nathanaele, o vha e ene, o vha e muporofita wa ilo ðuvha. Ngavhuya, Nathanaele a vha vhudza uri vha tea u zwi ita hani. Fhedzi, ni a vhona, vho zwi ita hu si na u kwama Nathanaele. A hu na ipfi li no amba zwauri Nathanaele o kwamiwa. Thuñhuwedzo yothe, tshithu tshihulwane tshi tshi khou bvela phanda! Huno, nnenñe, ndi elekanya nga ha ulwo luimbo, "I ri, ndi vhulunge . . ."

Nthuse, Murena, musi mbilu dici tshi duga,
 I ri ndi tukufhadze u dihudza hanga (u ya na
 vhañwe vhoñhe), nda tou vhidzelela Dzina
 Lau;
 Mpfunze u sa ñitika nga zwine vhañwe vha
 ita,
 Nda tou lindela nga thabelo phindulo i bvaho
 kha Iwe.

Ni a vhona, iyo ndi ndila ine zwa vha ngayo. Kha ndi zwi
 vhone zwi tshi bvelela nga ndila yone, zwenezwo zwi a tendiwa.

¹²¹ Zwino, Mudzimu o vha dzumbululela itsho tshithu nga Dafita, na nga vhashumeli, na nga vhathe, na nga vhokapuñeni vha vha zwigidi, na vhokapuñeni vha vha madana, fhedzi hu si nga Nathanaeal we a vha e na U RALO MURENA. Huno Murena o ri Ha nga iti tshithu u swika O no sumbedza uyo muporofita wa tshikhathi, u thoma, zwine zwa tea u itwa. Ni a vhona zwe vha ita? Vho livha nnđa vho bva kha Ipfi la Mudzimu, vha ya huno vha vhea mbulungelo kha gariki ntswa. Ni a vhona? Ngauralo vho ya vha zwi ita vha si na mulayo wa Mudzimu na ndila yo ñetshedzwaho ya Mudzimu.

Huno izwo ndi zwe zwa bvelela namusi, dzikhonani. Izwo ndi ngazwo ro vha na khuruseidi khuñwane nnzhi nga maanda, na zwiñwe-vho, huno ha sa vhe na dzimvelelo. U sa tenda ho engedzeaho, tshivhi tsho engedzeaho, yo engedzeaho . . . Ndi a ni vhudza, ulu lushaka lwo ñuwa; hu si ulu lushaka fhedzi, fhedzi dziñwe tshaka. Ulu lushaka, vhunga England ya tshiñwe tshikhathi, yo vha murengisamuvhili wa dziñwe tshaka dzoñhe.

¹²² Kule fhasi ngei Mozambique, maela dza ñaiñafumalo u bva kha vhutshilotshedza, ñakani, vhana vha songo rembuluwaho vha thetshelesa Elvis Presley, vha tshi dzinginyisa ñohoho dzavho nahone vha tshi khou thamukana ñtha na fhasi nga u ralo, lwa vhusiku hoñhe, na u dzula . . . Kana, sethe ñukhu dza u ralo dici ño kokodza lwa maela dza tshigidi, thwii nga hangei Rhodesia, u wana Elvis Presley. Huno naho zwo ralo vha ri, "Ndi wa vhurereli nga maanda, ene na Pat Boone, na vhañwe." Mulandu, ndi Yudas wa awara, huno ha zwi ñivhi. Itshe ndi tshipi ña tsho vñifhaho, vha tenda uri vhone vha—vhone vha kha ngoho.

Naa Yesu ho ngo ri kha itshe Tshikhathi tsha Tshivhidzo tsha Laodikea, "Iwe u fhedzi, u a ñungufhadza, wo dzhielwa, wo pofula, huno a u zwi ñivhi"? A u zwi ñivhi!

¹²³ Zwo ralo, vhana vha Pentekoste fhasi ngei kha la Afurika na u mona hoñhe, vha ri, "Zwo luga, Elvis Presley, u imba nga ndila yo ñakesaho ni sa athu u vhuya na i pfa." A hu na u timatima uri ndi zwe Dafita a ita, na ene-vho; a hu na u timatima uri ndi zwe vhaimbhi vha ita, fhedzi zwo vhanga lufu u rwa mushasha. Ni a vhona hune vha vha hone, hune ra vha hone ñamusi, dzikhonani?

¹²⁴ “Mahada a Vhalivi,” yo vha i ndila ya Mudzimu ya vhubevo ya u zwi ita. Huno vho i vhea kha gariki ntswa. Zwino, na kathihi zwi nga si shume. A vho ngo vhudzisa nga ndila yone. Ni a vhona? Ngauralo vha bva, nga hazwo, huno vha ya u zwi ita nga ndila yo khakheaho.

¹²⁵ Huno izwo ndi zwe zwa bvelela namusi. Musi vhanna, hu sa londwi uri vha fulufhedzea hani, u lingedza u Mu itela tshumelo nga nnnda ha ndila yo netshedzwaho Yawe ya u zwi dzumbulula, tshifhinga tshothe vha a zwi tshinya. Mudzimu u zwi vhekanya nga ndila Yawe. Vhanna, a hu londwi uri vha fulufhedzea hani, vhoiwi ni lingedza u zwi ita nga nnnda ha hezwo, ni—ni do zwi tshinya.

¹²⁶ Tshiñwe tshithu tshi no nga zwe Biliamu a vha e zwone, nga duvha la Biliamu. Mudzimu o vhudza Biliamu, uyo muporofita. O vha e muporofita, muporofita Biliamu. O vha e muporofita, huno Ipfi li da khae kokotolo, la ri, “U songo tsela fhasi henengei. Uyo ndi o khethiwaho Wanga. Uyo ndi o nangiwaho Wanga.”

Huno Biliamu a vha na vhahulisei, vhanna vha vhuswoleni, vhareri, vhanna vho tuwedzwaho, huno a ri, “Zwo luga, ndi do—ndi do ni vhudza, khosi i do...”

Ni a vhona, itonu zwi fanyisa na Dafita, ni zwi fanyise na namusi. Itonu dzhia tshiñwe na tshiñwe nga tshifanyiso, huno ni do zwi vhona. Inwi ni a zwi vhona? I ri ni, “Amene.” [Tshividzo tshi ri, “Amene.”—Mudz.] Ni a vhona, ni a vhona, u tou fana na zwine zwa vha zwone zwino.

¹²⁷ Fhedzi vhafunzi vho ri, vho—vho—vhotshifhe vho ri, vha mañwalo vho ri, vhoratheolodzhi vho ri, “*Iyi* ndi ndila ine zwa tea u itwa ngayo.” Fhedzi, yo vha i si yone, nahone zwo sumbedza uri yo vha i si yone.

¹²⁸ Huno Mudzimu o vhudza Biliamu, huno o vha e muporofita, tsha u thoma, A mu vhudza, “U songo tsela fhasi.”

¹²⁹ Fhedzi thuthuwedzo ya avha vhañwe vhanna yo mu vhangela u zwi ita lwo fhambanaho na zwe Mudzimu a amba uri a zwi ite, huno zwi vha samba vhudzuloni ha mvuseledzo. Oo, ngoho, o tsela henengei huno a funza vhathu, a ri, “Zwino lindelani! Ni a divha uri mini?” Ha pfi, “Riñe ri—riñe ri Vhamuaba. Ni a elelwa, riwananyana wa Loto ndi khosikadzi yashu. Ndi ene vhubevo hashu. Riñe rothe ri vha malofha mathihi. Riñe rothe... Dinomineisheni dzashu dzothe dici a fana.” Ni songo vangana na itscho tshithu. Tutshelani kule ha heneffo. Ni a vhona? Ngauralo a ri, “Riñe rothe ri a fana. Mulandu, vhathu vha hanu vha tou nga vhathu vhanga. Ri nga kona u dzetshelana, nga tshashu, ngauralo ri nga kona u vha na khoro ya u vhuedzanya ya vhukuma. Ni a vhona? Rothe ri nga kona u kuvhangana huno ra vhuya murahu kha tshithu tsha vhubevo hafhu.”

Mudzimu o sema itsho tshithu. Itsho tshivhi na kathihi a tsho ngo hangwelwa Israele. Tsho dzula navho mađuvha avho othe. Na kathihi a tsho ngo hangwelwa. Vho lovha sogani ngatsho. Izwo ndi zwone. Ngauri a vho ngo dzhia ndila yo netshedzwaho nga Mudzimu nga ndila yo khwathisedzwaho Yawe ya u zwi ita.

¹³⁰ Dzhielani nzhele, itshi tshithu tshe vha ita tsho vhangela Israele u fa lufu, sogani. Huno Yesu o ri, “Muñwe na muñwe wavho o lovha nahone a tuwa.” Sedzesani uri ndi nnyi we a ima na Mushe ngei murahu, Joshua na Kalebe, kha—kha mbekanyamushumo.

¹³¹ Dzhielani nzhele hafhu, ngoyu Dafita, zwe a ita. Huno musi o ita, naa zwo itani? Zwo vhanga lufu u rwa muthu a fulufhedzeaho.

Zwino, ndi a humbulela uri ri kha di vha na vhuñumani, huno ndi ḥoda ni tshi pfa kha mashango.

Itshi tshithu tshe Dafita a ita, hu si na u kwama Nathanaele na u wana Ipfi la Murena lazwo, zwo vhanga lufu u rwa muthu a fulufhedzeaho. Ee, muñe wanga. O bvisa tshanda tshawe, tshe tsha vha tshi tshi khou tshila vhuñoneni ha mbulungelo: i bva kha nndu yawe—yawe. Huno phulu ya khukhulwa, huno ha vha huuri mbulungelo i khou wa.

¹³² Vho vha vho no ita tshithu tshithihi nga ndila yo khakheaho, zwithu zwivhili nga ndila yo khakheaho. Tsha u thoma, na kathihi a vho ngo kwama Nathanaele. Tshithu tshi tevhelaho tshe vha ita, vho tsela ngei fhasi vha songo kwama Ipfi la Mudzimu. Zwine, lone... Samuele o vha e Ipfi nga ilo duvha... Huno na kathihi ho ngo vhudzisa Ipfi la Murena. Zwenezwo, musi vho ita, vho ya lwo fhambanaho na Ipfi la Mudzimu.

Huno hafha uyu munna wavhudzi, we a vha e muñhogomeli, o vha e mubishopo, a elekanya, “Zwo luga, hafha, a thi todii Mudzimu a tshi shonisiwa,” ngauralo a vhea tshanda tshawe kha mbulungelo. He, a vha e si Mulivi, huno a fa. Zwithu zwiraru!

¹³³ Zwino elekanyani nga maanda vhukuma, nahone ni sedzese zwe dinomineisheni dza ita ñamusi. Ni a vhona, vho Li thudzela kule, vho Li vhidza “pfunzo ya khole-khole.” Ni a vhona? Sedzani hune vha vha hone. Vha do wana khoro ya u vhuedzanya yavho, zwo luga. Vha Li vhidza “u vhala muhumbulo,” ngeno Mudzimu Ene muñe a tshi khou Li khwathisedza uri ndi Ngoho, nahone a tshi khou Li sumbedza uri ndi Ngoho. “Oo, vha tou vha tshivhalonyana tshiñuku tsha mađabadaba ngei n̄tha,” vha ri, “a vha ñivhi zwine vha khou amba nga hazwo.”

Izwo ndi zwone, a ri iti. Fhedzi ri tou amba fhedzi Maipfi Awe, huno U a ñivha zwine A khou amba nga hazwo, ni a vhona. A thi koni u Li talutshedza, a hu na muñwe muthu-vho ane a nga kona, fhedzi Ú—U—U a Li sumbedza.

¹³⁴ Zwino dzhielani nzhele. Kanzhi mutendi a fulufhedzeaho ñamusi, a ñaho kha Kristo, a ḥoda u ña nga mbilu yawe yothe, u

a vhulawa lwa maya nga ndila yeneyo nthihi. Vhanna vhanzhi vha fulufhedzeaho vha ya tshivhidzoni tsha Katolika huno vha toda u vha Vhakriste, vha ya kha Methodisi, Baphuthisi, tshivhidzo tsha Kristo, na vhone Vhapentekostała, ni a vhona, huno vha todou vha Vhakriste, vha vhea zwanda zwavho khazwo, vha vha mirađo yavho.

¹³⁵ Huno musi Dafita a tshi vhona itshi tshithu tshi tshi bvelela, tsha mu karusa. Ni songo karuwa tshifhinga tsho no tuwesa ngeyo nda, mukomana. O vha o no vhona uri lufu lwo no rwa.

Ntsumbedzeni dzimvelelo. Ndi ngani iyi i no sokou vhidzwa mvuseledzo, i tshi vhuyedzedza vhathe zwivhidzoni, ya ita kha lushaka, kha—kha muvhili wa vhatendi? A si tshithu fhedzi yo ita madzangano maswa na dzidinomineisheni, na ndilani yothe, mirado yo engedzeaho na zwiñwe-vho. Naa lushaka lu khwine? Vho ri vho vha tshi khou yo...

¹³⁶ “Amerika. Mudzimu fhađutshedza Amerika. Ndi—ndi lushaka, ndi shango la Vhukriste.”

Li maela dla milioni kha u vha shango la Vhukriste. A thi vhuyi nda li rabelela. Naa ndi nga li rabelela hani, huno li si nga shanduki fhasi ha maanda mahulwane a Mudzimu o sumbedziswaho phanda halo; huno li tshi hana, na u Li valelela mahothi, huno la tutshela kule? Ndi li kumedzela kha Mudzimu. Huno li khou ya kule-kule. Huno zwino li khou yo nupela. Itonu sedzesza zwi no bvelela.

¹³⁷ Vhathe vhanzhi vha fulufhedzeaho vha ya vha vha mirađo ya dzangano, kana tshigwada, kana u luvha nga nyitelatherelo ha muñwe mufuda, huno heneffo vha fa, lwa maya. Inwi ni nga si vha vhudze tshithu. Izwo zwithu zwi vhorelwa ngomu havho, “Malandu, avha vhabishopo vho amba izwi. Huno *uyu* o ri itshi, *uyu* o ri itshi.” Inwi ni vha sumbedza heneffha kha Ipfi la Mudzimu hune ha vha U RALO MURENA. “Fhedzi mufunzi washu...”

A thi londi zwine mufunzi wanu a amba, a thi londi zwine nda amba, kana zwine nnyi na nnyi-vho a amba. Arali zwi tshi fhambana na Ipfi lo khwađisedzwaho la Mudzimu, awara, tshifhinga, Mulaedza, na zwiñwe-vho, zwi hangweni. Sendelani kule hazwo. Huno ndi tea u ima phanda ha muñwe na muñwe wanu nga Duvha la Khatulo, huno ni a zwi divha izwo. Huno ndo vha ndi tshi do amba izwo zwiñku, ndi tshi zwi divha uri nne ndi munna wa kale zwino. Ndi do... A si uri ndi divha tshiñwe tshithu, fhedzi Ene u a divha. Ndi tou tevhela zwe A amba.

¹³⁸ Sedzani ḥamusi khuruseidi khulu dze ra vha nadzo kha shango. Zwo sumbedzwa uri dzo vha dza liphedzi. Huno naa Yesu ho ngo amba hafha zwino, Luka 7:7, “Vha Ntshumela nga liphedzi”? Dafita o ḥisa mbulungelo ḥtha nga liphedzi. Ahaba o pfumbudza avho vhaporofita nga liphedzi. Biliamu o dzhia

iyu tshelede nga lifhedzi. "Pfunzo vha tshi funza milayo ya vhathu." Milayo ya Mudzimu ndi yone i re na ndeme, hu sa londwi ndila ye vha vhi- . . .

¹³⁹ "Avho vhathu vha a fulufhedzea zwa vhukuma." Inwi ni pfa izwo nga maanda, "Vha a fulufhedzea nga maanda." Izwo a zwi ambi tshithu. Thanzi dza Jehovah, Seventh-day Adventist, na uho u luvha nga nyitelatherelo hothe, vha bvela mnda hafha tshiataratani huno vha ita zwithu zwine na muthihi washu a si nga zwi iti. Vhakatolika vha ima khudani huno vha humbela, na zwiñwe-vho, idzo ndaela dzavho nga u ralo, nahone dzi na ndeme ya dolara dza bilioni dzi tshi andiswa nga bilioni dzi tshi andiswa nga dzibilioni, huno vha kha di dzi humbela. Vha a fulufhedzea, a hu na u timatima. Zwivhidzo zwi a ya huno-huno zwa rera, na zwiñwe-vho, huno vhashumeli vha a ima kha phuluphithi huno vha ita tshiñwe na tshive tshire vha kona uri vha wane mirado miswa ngomu tshivhidzoni tshawho; fhedzi ndi mbulungelo ntswa.

Hu na Mbulungelo nthihi i no tea u tevhelwa, iyo ndi, Ippi la Mudzimu. Tshiñwe na tshiñwe tshi fhambanaho na iyo Mbulungelo, sendelani kule hatsho! Tshi kha gariki ntswa, huno hu si kha mahada a Mudzimu. Ndi zwone. Sendelani kule ha itscho tshithu. Ni songo vha na mushumo natsho.

¹⁴⁰ Khuruseidi khulu dzashu, vha dzibilioni na dzimilioni vho bula. Huno ndi a timatima uri kana hu nga vha na vha dana vhavho, vha zweþhe zwazwo. Ni a vhona, a dzo ngo vha tshithu.

Zwenezwo sedzani pfulufhedziso ya Ippi.

¹⁴¹ Inwi ni do elekanya uri idzo dzo kundelwa, huno ri a zwi ðivha uri dzo kundelwa. Vhañwe vha—vha vhavuseledzi vhashu vhahulwanesa shangoni namusi vha ri yo kundelwa tshothe. Tshivhidzo tshi a zwi ðivha uri dzo kundelwa. Muñwe na muñwe u a zwi ðivha uri dzo kundelwa. Zwo ralo, ndi ngani dzo ralo? Ndi ngani dzo kundelwa?

Dzo vha dzi dza ndivho yavhuði. Dzo vha dzi dza u disa vhathu Vhuhoneni ha Mudzimu, khuruseidi khulwane. Huno vhathu vha dzimilioni vho shumisa tshelede yavho, huno vha i dzhenisa kha dzikhuruseidi khulwane. Huno zwivhidzo zweþhe zwo tshimbila zweþhe, dziholo khulwane, na zwithu zwiñlwane, huno zwithu zwiñlwane zwo itea. Ndi ngani dzo kundelwa? Ndi ngauri vhone na kathihi a vho ngo ðivha awara ye vha vha tshi khou tshila khayo.

A zwi mangadzi Yesu o ima, huno mbiluni Yawe A tswimila. Miðodzi yo elela maramani Awe, huno A ri, "Yerusalem, Oo Yerusalem, ndi kangana Ndi tshi do vha ndo u kuvhatedza sa phambo yo ralo khukhwana dzayo. Wo kanda muporofita muñwe na muñwe we Nda mu rumela kha iwe. Fhedzi a wo ngo ðoda. Fhedzi zwino awara yau yo ða."

¹⁴² Naa a ni pfi Muya Mukhethwa u tshi zhamba kha inwi? “Oo, United States na shango, ndi kangana Ndi tshi do vha ndo u kuvhanganya, fhedzi a wo ngo funa. Zwino awara yau yo swika. Mudzimu wau wa dakalo, mudzimu wau wa tshika, mudzimu wau wa Sodoma na Gomora, o da vhukati hau.” Na vhana vhashu vhatuku, kugerele kwa mavhudzi kwa ‘beatle’ na mabemu u budekanya zwifhatuwo zwavho, na u shandea hutuku hu tshi thoma. Vhasadzi vhashu vho tuwa. Zwi seli ha thengululo. Vhanna vhashu vho no vha vha tshisadzini vhahulu, vha tshi tshimbila u mona hothe vho ambara zwirukhu zvituku, zwipfufhi, huno vha tshi ita vhunga musidzana, na mavhudzi a tshi nembelela fhasi mitsingani yavho. Huno ri Vhasodomi, huno mulilo na mbiti dza Mudzimu dzo ri lindela.

¹⁴³ Inwi ni a divha uri U do vhulaha hani, uri U do li tshinyadza hani? Ndila ye A ita tshifhinga tshothe. Musi murengisamuvhili o ita tshinwe tshithu tsho khakheaho, o vha a tshi kandwa nga matombo a fa; vho doba matombo a u vhulaha musadzi we a vha e murengisamuvhili. Iyo ndi ndila ine A do vhulaha tshivhidzo. Bivhili yo amba uri U do nisa matombo a tshifhango a tshi bva kha mataadolu, a no do lemela phaundu dza dana tshipida, huno U do vha kanda. Naa ndi nnyi a no khou yo Mu imisa? Naa ndi ifhio saints i no do ri zwi nga si kone u itwa? U do zwi ita.

Zwi a fana na musi O ita gungwa huno a papamalisa Noaxe a tsireledzea, U do zwi ita hafhu u itela Tshivhidzo Tshawe.

Huno nga milayo Ya Ene muñe na ndila Ya Ene mune, U do kanda uyo murengisamuvhili we a ita vhupombwe na dzikhosi na vhokaputeni vha vha madana na zwigidi. U do mu kanda lwa u isa lufuni, nga milayo Ya Ene muñe ye A i vhekanya nga nzudzanyo. Naa ndi nnyi a no khou yo Mu vhudza uri A nga si si ite tombo la tshifhango?

¹⁴⁴ Vhudzisani muiwe a no divha ndila ine shotha la mvula la thoma. Huno li ita mutengelele, huno la humela murahu nga kha thabo; la doba zwo engedzeaho na zwo engedzeaho na zwo engedzeaho, u swika li tshi wana tshinwe tshireleme, huno zwenezwo la wela fhasi.

Ene, Mudzimu, We...vhuhohi a ho ngo kona u Mu fara kha lifhasi, huno A ditakulela Tadulu. Mudzimu, We a ita vhuhohi, a nga kona u ita thabo i re khulu lwo edanaho u dembetisa tombo u swika li tshi lemela phaundu dza dana. O ri U do zwi ita, huno U do zwi ita. Naa ndi nnyi a no khou yo Mu vhudza uri a songo zwi ita? U do zwi ita, ngauri O amba uri U do ralo.

¹⁴⁵ Ri maduvhani a u fhedzisela. Ro ima tsini ha khatulo. Ndi ngani? Vha khou lingedza u la mana a kale e a wa hangei murahu miñwaha ya futhanu yo fhiraho, tshivhidzo tsha Pentekoste. Tshivhidzo tsha Vhukhethwa tshi khou lingedza u ralo, kha miñwaha i fhiraho madana mavhili yo fhiraho.

Vhaļutere, kha miňwaha i ḥođaho u swika mađana mararu, kana yo engedzeaho, yo fhiraho, miňwaha ya mađana manzhi yo fhiraho. Vha khou lingedza u ja mana a kale. Oo, mukomana, izwo zwithu a zwi eleli. Zwo tshikafhala. Zwi ḥo... Zwi na—zwi na... Mulandu, tshifhinga tshothe ndo ri, mabuluvhulu ngomu hao, dzimbungu. Zwi ḥo ni vhulaha, u zwi ja.

¹⁴⁶ Wanulusani arali Dafita kana arali muňwe wavho vhothe o vha a tshi ḥo vhudzisa Tshinnkwa tsha iyo awara.

Arali vhotshifhe, na vhaporofita, na vhareri, na vhoratheolodzhi, na zwikolo, na dzidinomineisheni, zwo vha zwo vhudzisa awara! Fhedzi zwino zwi nga si vha farise tshithu. Zwo no di bva. A zwi nga farisi na zwitukučuku. Tsho ḥuwa zwino. Tsho no pfuka uyo mutalo miňwaha i ḥođaho u swika miňanu yo fhiraho, vhukati ha tshanduko, khaṭhulo na khathutshelo.

¹⁴⁷ Dzhielani nzhele, naa ndi mini-ha? Naa hu nga itwani? Naa hu tea u itwani? Kha ri vhudzise muporofita, Bivhili, hune ri nga si kone u engedza kana u ḥusa Khayo. Arali ri tshi ita, Mudzimu u ri ḥusa Buguni ya Vhutshilo.

Bivhili yo amba, kha Maleaxi 4, zwine zwa ḥo bvelela ḥamusi. Nzumbululo 10, ndila ine Mapfundo a Sumbe a ḥo pfunululwa huno a dzumbulula izwi zwiphiri zwe zwa dzumbiwa nga kha avha vhashandululi! O amba uri zwi ḥo itwa hani. Zwi kha Bivhili, U RALO MURENA. Mudzimu o zwi ḥalusa tshothe, lwo fhelelaho izwo; huno a Zwi khwaṭhisa uri ndi Ngoho, nga zwiga, zwimangadzo ngei kha mađadulu, ngei lutomboni, na tshinwe na tshinwe-vho, lwa miňwaha ya furaruraru.

Inwi ni elekanya uri vha ḥo Li thetselesa? Hai. Vho fa. Vho džhenisa tshanda tshavho ngomu ha tshinwe tshithu tsho vhulahaho tshithu tshothe. Hai, zwi nga si ralo; zwi nga si ralo, a zwi tsha ḥo ralo na káthihi.

¹⁴⁸ Ho vha musi itshi tshithu tsho bvelela, zwe Dafita a vhona. Oo Mudzimu, ri rumele ene Dafita ane a nga kona u vhona he a ima hone, ane a nga kona u sedza nnđa huno a vhona uri Mudzimu o ita pfulufhedziso ya zwine, ndila ine A khou yo zwi ita ḥamusi. Mudzimu o zwi amba heneffha kha Ipfi ḥawé, ndila ine A ḥo zwi ita.

¹⁴⁹ Mudzimu o vhudza Mika. Mika o todisia bono lawe nga vhusedzi phanda ha vhaporofita vha huliseaho vha mađana maňa. O todisia bono lawe nga vhusedzi u vhona arali lo vha lo luga. O sedza murahu kha zwe muporofita a amba phanda ḥawe, u vhona zwe zwa bvelela. O sedza murahu, huno a vhona uyo Eliya o ima heneffho, a tshi ri, "Ahaba, mmbwa dzi ḥo ḥanzwa malofha au, na iwe-vho." Zwino, o vhona nga itsi tshifhinga uri ilo bono lo vha li tshi tou vha kokotolo u ya nga Ipfi ja Mudzimu, ngauralo a zwi ḥivhadza. Huno o vha e kha ngoho. Ndi zwone. A hu londwi zwe vhaňwe vhothe vha amba, o dzula heneffho na ilo Ipfi.

¹⁵⁰ Zwino kha ri sedze kha bono line ra vha naļo namusi. Naa ndi u fhaṭa zwivhidzo; naa ndi zwithu zwiswa; naa ndi zwithu zwihiwane zwi no khou yo bvelela? Kana, ndi khaṭhulo? Sedzani murahu huno ni vhone pfulufhedziso ya ḥamusi, vphonani uri ri khou tshila kha khalañwaha ifhio.

¹⁵¹ Inwi ni ri, “Zwo luga, fhaṭutshedzani Mudzimu, mukomana, nne ndi a fulufhedzea. Ndo vha murado wa tshivhidzo. Ndo wana digirii ḥukhu ya aṭhi yanga. Ndo ita *itshi*.” Izwo zwo luga, izwo ndi zwavhuđi, a hu na tshine ra hanedza khatsho; Dafita na ene o ralo, vhotshifhe vha ilo ḫuvha na vhone vho ralo, vhoratheolodzhi na vhone vho ralo. Fhedzi zwo vha zwo fhambana na Ipfi.

¹⁵² Mudzimu o amba uri U do zwi ita hani ḥamusi, uri U do vhuyedzedza hani zwithu zweithe, zwine A do ita hafhu. O fulufhedzisa u vhuyedzedza. Izwo ndi zwone kokotolo. Kha Yoele 2:28, O fulufhedzisa uri U do vhuyedzedza. “Ndi do vhuyedzedza,” u ralo Murena, “miňwaha yothe ye tshivhungu tsha la.” Zwo vha na zwo fha...Ni a vhone, itsho ndi tshenetsho tshivhungu tshithihi; tshi kha tshifhinga tsho fhambanaho tsha vhutshilo. Huno musi Vhukatolička ho thoma u la, zwenezwo Muluṭere, na Mumethodisi, na Vhapentekostała, na vhothe, phasi; A ri, “Ndi do vhuyedzedza tshiňwe na tshiňwe murahu kha Tshivhidzo kokotolo vhunga zwe tshila tsha vha tshi zwone fhethu ha u thoma.”

¹⁵³ Sedzesani bono nga vhuňwe vhusiku. Muselwa onoyo muthihi kokotolo a da thungo *iyi*, a da thungo *iyi*. Nga murahu ha musi vharengisamivhili vho no fhiria vho ambara gauni dzavho, zwithu zwavho zwa kale nga ndila *iyi*, huno vha tshi khou tshina nga roko-na-rolo, huno vha tshi divhidza Tshivhidzo.

Inwi ni ri, “Zwo luga, riñe a ri zwi iti hezwo.”

Iyo ndi ndila ine Mudzimu a ni vhone. A si zwine inwi na divhonisa zwone. Ndi ndila ine Mudzimu a ni vhone. A hu na muthu ane a divhona vhukhakhi. Musi ni tshi sedza kha tshivhoni tsha Ipfi la Mudzimu, Li a ni vhudza uri kana ni a khakha kana hai. Arali Dafita o vha o ita hezwo, o vha a tshi do vha o vhone vhukhakhi hawe. Arali Ahaba o vha o ita hezwo, kana avho vhaporofita vho vha vha tshi do vha vho ita hezwo, vho vha vha tshi do vha vho divhona vhukhakhi.

¹⁵⁴ Muporofita o khwaṭhisedzwaho o ri, “Ahaba u do fa, huno mmbwa dzi do ḥanzwa malofha awe.” Huno vhuporofita hawe ho vha vhu kokotolo Nalo. Zwenezwo o zwi divha uri o vha e kha ngoho. Na Jehosafati o vha o tea u vha o zwi vhone hezwo huno a zwi divha. Musi Mika o no vhone bono, o vha a si na vhatu nga maanda mađuvhani ayo, fhedzi o vha e na U RALO MURENA. O vha e kha ngoho.

¹⁵⁵ Dzhielani nzhele, ri khou disa itshi tshithu zwino nga lino ḫuvha, musi ri tshi vhone awara khulwane ine ra khou da.

Dzhielani nzhele zwe Dafita a vha a tshi khou lingedza u ita, na ene-vho. Ndo vha ndi na luñwalo luñuku hafha nga ha hezwo. O vha a tshi khou lingedza u ñisa mbulungelo muñini wa Dafita, dinomineisheni ya ene muñē.

¹⁵⁶ Sedzani hangei murahu musi Murena a tshi thoma u amba hafha fhasi kha mulambo, “Sa Yohane Mulovhedzi o ruñwa u ranga phanda u ña ha u thoma . . .”

Mukomana, vha Dzikhuvhangano vho kundelwa u zwi kondelela hezwo, na vha Vho Tanganaho, vhone vhothe. Vho do tea u vha na muñwe huñwe fhethu. Aa, vhothe vho do tea u zwi ita, ni a vhona, zwo tou kokotolo. Vhone vhothe vho do tea u zwi ñisa nñuni ya vhone vhañe.

¹⁵⁷ O toda u zwi ñisa muñini wa Dafita. Ndi ngani? Ho vha hu si na fhethu he ha vha ho ñilugisela zwone.

Huno itscho ndi tshone tshi itisaho uri ni si kone u ñisa Mulaedza kha dinomineisheni. Ipfi, Mbulungelo, Kristo, “a sa shanduki mulovha, ñamusi, na lini na lini,” na ñhaluso Yawe yothe, ni nga si U ñise kha dzangano ñanu. Vha nga si U tende na kathihi, ngauri a hu na lufhera Lwawo. Naa Bivhili a i ri O vha e nga nnnda ha tshivhidzo tsha Tshikhathi tsha Laodikea, a tshi khou lingedza u dzhena?

Ho vha hu si na fhethu muñini wa Dafita, a hu londwi uri ho vha hu tshi fulufhedzisa hani, na uri ho vha hu huhulwane hani, na—na zwiñwe-vho. Ho vha hu tshi kha ñi vha hu si fhethu. Ho vha hu tshi khou yo vha Yerusalem. Afho ndi hone he wa ya ngavhuya, musi muporofita o vha vhudza zwine vha tea u ita ngawo. Ni a vhona? Ngauralo Dafita o do tea u i ñisa muñini wa ene muñē. Ho vha hu si na fhethu ho ñilugisela yone.

¹⁵⁸ Kristo ndi Mbulungelo yashu, huno vha nga si I tanganedze. Kristo ndi Ipfi; vha nga si Li tanganedze. Vha toda ndaela yavho, dinomineisheni yavho, mbulungelo ntswa, kana—kana tshihwali tshiswa. Vha toda dinomineisheni i tshi I hwala; mbulungelo ntswa. Huh!

Elelwani, Kristo Mbulungelo yashu! Inwi ni a tenda uri Kristo ndi Ipfi? [Tshivhidzo tshi ri, “Amene.”—Mudz.] Iyo ndi Mbulungelo, zwenezwo. Naa izwo ndi zwone? Zwo luga. Kristo a nga si kone u hwaliwa, a iswa kha vhuimo Hawe ho lulamaho, nga inwe gariki ya dinomineisheni-vho. U shuma na muthu muthihi, huno hu si tshigwada. Ho ngo shuma na tshigwada na kathihi; muthu muthihi. Musi, O ri Ha nga do ralo. Arali O ita, O fhambana na Ipfi Lawe, Amosi 3:7. Ni nga si kone u Li ita uri li zwifhe. Hai, muñē wanga. Ndi Ngoho.

¹⁵⁹ Fhedzi, ni a vhona, vha a lingedza. Mbulungelo i nga si kone u hwaliwa nga dzangano. Hu na thoho nnzhisa khalo. Ni a vhona? Zwi nga si kone u itwa. O fulufhedzisa uri Ha nga do zwi

ita, huno Ha nga do zwi ita. O ri...musi O fulufhedzisa—musi O fulufhedzisa u zwi ita nga inwe ndila? Itsho ndi tshone tsho itisaho uri A fulufhedzise uri Ha nga do zwi ita.

Ni songo elekanya iyo mihumbulo. Ndi kona u zwi pfa. Ni a vhona?

¹⁶⁰ Ngauralo O—O fulufhedzisa uri U do tshi ita nga inwe ndila, huno tshinwe tshithu tsho fhambanaho na itsho Ha nga tshi iti. Ni a vhona? Fhedzi nga ndila Yawe ya vhubvo, u ya nga ha zwe A amba kha Amosi 3:7, iyo ndi ndila ine A do tshi ita. Huno itsho tshi fanela u khwaṭhisizedza na u sumbedzwa u vha tshi re tshone.

Zwino, ni a divha tshe A fulufhedzisa namusi, zwenezwo U khou tshi ita namusi. Itshe ndi tshone fhedzi tshe A ri U do ita. U do pfuṇulula ayo Mapfundo a Sumbe, na zwe the zwine A do ita; a dzumbulula zwiphiri ngei murahu, nga ndila ye idzi ndovhedzo na zwithu zwe the zwa tshinyiwa tshothe. Huno ngezwi, kha Vhuhone honoho Hawe. Saints i a zwi sumbedza. Maṭadulu o zwi ḥanzilela. Munna o ima, o sedza heneffho khazwo, huno a zwi vhona zwi tshi bvelela. A hu na na tshithu tshe A tshi amba nga maanda ha tshe A tshi ita ngoho. Khezwo. U tou itela uri ni kone u vhona hune ra vha hone ḥamusi.

¹⁶¹ Nga ndila ine muňwe munna-vho a re na Muya Wawe, a zwi divha; e na Muya wa Mudzimu khae, u a zwi divha uri Iyi ndi Ngoho, ngauri Muya wa Mudzimu u nga si ambe zwe fhambanaho na Ipfi. Hai, hai. U do vha heneffho na Ipfi.

Inwi ni ri, “Ndi na Muya Mukhethwa. Ndo ḥavha mukosi; ndo amba nga dzindimi. Ndo tshina Muyani.” Izwo a zwi ambi tshithu na tshithihi kha Mudzimu. Ni a vhona?

Dafita o ita zwi fanaho, zwavhuđi zwenezwo zwithihi, ngei murahu. Vho imba nga maanda awe othe, nahone o ḥavha mukosi nga maanda awe othe. Vhařwe vhothe vho ita, huno vho vha vha tshi khou tshimbila heneffho ngomu lufuni. Izwo ndi zwone. Izwo a zwi na mushumo nazwo.

¹⁶² Ndi Ipfi li re na ndeme, Ipfi la Murena. “Avho vhane vha lindela Murena.” Ee, muňe wanga. Ni a vhona, avho vha re na Muya wa Mudzimu ngomu havho, vha sedza pfulufhedziso ya ḥamusi, huno sedzesani nahone ni lindele u swika vha tshi I vhona. Zwenezwo vha ri, “Iyo ndi Yone.” Mudzimu u a vha dzumbululela Yone.

¹⁶³ Vhunga Nathaniele. Filipo o ya huno a wana Nathaniele. Nathaniele a ri, “Zwino lindelani lwa muniti. Ndi a zwi divha uri izwo zwe fulufhedziswa, fhedzi i ri ni ndi Li vhone.” Huno musi o Li vhona, a ri, “Ilo ndi ḥone.”

Musadzi a ri, “Zwino, ndi a divha, ndo pfa tshaka dzothe dza vhoratheolodzhi. Ndo ita itshi na itsho. Huno ndo vhala

Bivhili, nne munē, huno ndi a zwi ḋivha uri riñe ri. . . Hu na Mesia a no khou da, a no do ita izwi zwithu, ngauralo U fanela u vha muporofita Wawe.”

A ri, “Nñe ndi Ene.”

¹⁶⁴ A ri, “Idani-ha, vhonani Munna, uyu ndi Ene.” O lindela u swika o no vhona uri Mesia o ḫaluswa nga Ipfi la Mudzimu, zwenezwo a ri, “Uyo ndi ene we ra mu lindela, lwa minwaha ya madana maña. A ro ngo vha na muporofita kana tshithu. Hafha U hone, huno Ene Ene munē u amba zwauri Ndi Ene.” [Tshikhala kha theiphi—Mudz.] “. . . nga nda huno ni vhone Munna We a mmbudza zwithu zwe nda ita.”

Fhedzi vhōtshifhe vho ḫoda u Mu vhulaha, huno mafhedziselonī vha zwi ita. Ni a vhona?

Fhedzi vha nga si kone u vhulaha Muya Wawe namusi. Izwo ndi zwone. Hai, vha nga si kone u U vhulaha. Wo vha u fhano u ri dženisa ngomu, ngauralo ri a livhuwa. Dzhielani nzhele uri Mudzimu ndi muhulwane hani, mishumo Yawe ndi mihulwane hani, nga ndila ine zwi nga si kundelwe ngayo na kathihi!

¹⁶⁵ Zwino, Mudzimu u na ndila ye a netshedza nahone ya vhubvo ya u ita zwithu, huno A nga si zwi ite ḫwo fhambanaho na heyo.

¹⁶⁶ Zwino O fulufhedzisa mađuvhani a u fhedzisela izwo zwine A do ita. Huno O vha rumela, riñe Mulaedza; huno uyu Mulaedza u do vha na thaluso i fanaho na ye Eliya a vha e nayo, sa ye Elisha a vha e nayo, sa ye Yohane Mulovhedzi a vha e nayo. Huno U do rembulusa mbilu dza vhatu, hu si kha dinomineisheni, fhedzi murahu kha vhubvo, vhokhotsi vha vhuapostola, murahu kha Ipfi. Nga ndila ye izwi zwithu zwa khwāthisedzwa. Nga ndila ye kha u huwelela ha muruňwa wa u fhedza, Nzumbululo 10, “Mađuvhani a muruňwa wa vhusumbe, izwi zwiphiri zwothe zwa. . .”

“Ndi ngani vha Methodisi vho ita *itshi*, na vha Baphuthisi, na tshivhidzo tsha Kristo, na Thanzi dza Jehovah, vhothe vha ita *izwo*? ”

“Izwo zwiphiri zwi do dzumbululwa nga ḫuvha ja u fhedzisela, musi zwa vharuňwa. . . Mulaedza wa muruňwa wa vhusumbe, musi ene. . . ” Hu si musi a tshi thoma u ita izwi, fhedzi, “Musi a tshi thoma u huwelela Mulaedza wawe.” Ni a vhona? Hu si miňwaha kha ndugiselo, fhedzi, “Musi a tshi thoma u huwelela Mulaedza, izwi zwiphiri zwi do mbo di dzumbululwa.” Huno ngevha; ndi sa vha ḫivhi, huno vhoinwi ni Thanzi ya hezwo.

¹⁶⁷ Huno zwenezwo kha itsho tshifhaṭo tsha vhusedzi, uri shango li sa vhe na, vha kha di mangala uri ho bvelelani. Ngei Tucson, izwo zwifhaṭo zwa vhusedzi zwihulu zwo dzhia tshifanyiso tshatsho ngei n̄tha; vha kha di mangala zwo bvelelaho. Naa ndi mini? Vha kha di zwi ñwala bammbirini,

“Naa hu na nnyi na nnyi a no divha tshiñwe tshithu nga ha mini, ndila ye zwa vha zwe bvelela?” A hu na khuli ngei n̄tha, a hu na maya, a hu na muñunu; maela dza furaru u ya n̄tha mayani. Yawee, nn̄enñe!

“Hu do vha na zwiga ngei n̄tha ṭadulu. Huno musi izwi zwithu zwi tshi itea, midzinginyo mafhethu o fhambanaho, zwenezwo hu do vhonala tshiga ngei ṭadulu, tsha Murwa-muthu.” “Nga iļo ḫuvha,” kha Luka, “Murwa-muthu u Dīdzumbulula hafhu; a tshi khou dzumbululwa, Ene muñe.” Huno shango li do nga Sodoma na Gomora. Yawee, nn̄enñe!

Vharathu, ni songo vha vha sa divhi zwithu zwa maya, ni a vhona. “Fhendani Mañwalo, ngauri Khao ni elekanya Vhu Sa Fheli, ni na Vhutshilo Vhu Sa Fheli; huno Ayo ndi One ake a tanziela Ipfi.” Ayo ndi One ake a tanziela Ngoho, zwithu zwine Mudzimu a khou ita nga ino awara.

¹⁶⁸ Huno zwino mini? Avho vha re na Muya wa Mudzimu, vha lindela izwi zwithu. Huno musi vha tshi vhona izwo zwithu, vha tenda izwo zwithu. Yesu o ri, “A hu na muthu ake a nga da kha N̄ne nndani ha musi Khotsi Anga a tshi mu kokodza. Huno vhothe vhe Khotsi a N̄nea,” Ene ndi Ipfi, “vha do da kha N̄ne. Vha do da kha N̄ne.”

¹⁶⁹ Ndo vha na vhuhali nga maanda matsheloni ano, ni a vhona. Vha lindela kha Murena, u lindela; huno musi vha tshi ralo, huno vha vhona pfulufhedziso ya ñamusi, i tshi khou khwañhisedzwa, zwi ita uri lutendo lwavho kha Ipfi Lawe lu vhe luswa. Ngauri, O fulufhedzisa u zwi ita, huno hafha U khou zwi ita. Zwenezwo a hu na u timatima. Mudzimu u a amba. Ipfi Lawe, tsha u thoma, li a amba. Huno zwenezwo Muya u no khou Li ñisa u ita tshithu tshe Ipfi la ri U do ita.

Oo, ri na u edzisela hunzhi. Ri kha di do vha na hunzhi haho, vhanna vha mbilu dzi fulufhedzeaho vha tshi khou lingedza u ita zwithu nga ndila *iyi* na nga ndila *iyo*, fhedzi sedzesani zwe bvelelaho. Vhathu vha do vheah zwanda zwavho, huno zwenezwo—zwenezwo vha fa. Ni a vhona, dzhielani nzhele.

¹⁷⁰ A hu na tshikimu tsha muthu tsha dinomineisheni tshire tsha do vhuya tsha shuma, vha tshi ita mirado u itela mbulungelo dzavho dzo itwaho nga vhone vhañe dza dinomineisheni. Mudzimu na kathihi ho ngo vha na dinomineisheni. Na kathihi A nga si vhe na dinomineisheni. Huno ndi tshithu tsho itwaho nga muthu.

¹⁷¹ Huno ndi a mangala, namusi, arali u kokodzelwa hashu hothe ngomu na khuruseidi khulwane na dzimvuseledzo, ro vha ri sa khou dadza mbulungelo ya Methodisi, mbulungelo ya Baphuthisi, mbulungelo ya Puresbiterieni! Fhedzi mini-ha nga ha Mbulungelo ya Kristo, Ipfi?

Huno arali Muselwa a tshi tea u vha Ipfi, zwenezwo U tea u vha wa Kristo, tshipiða tsha Muhwe. U tea u vha Ipfi; Ipfi hu

si la ḫuvha Lawe; Ipfi la lino ḫuvha, le A fulufhedzisa uri li do vha lino ḫuvha, uri O rumela Ipfi Lawe uri li vhumble Muselwa Wawe na u Mu ita. Ndi fhlufhela uri ri a zwi vhona! Ni songo wana muñwe muhumbulo wa inwi muñe zwino, nahone ni songo dzhia muhumbulo wa muñwe muthū-vho. Dzhiani Ipfi lo khwathisedzwaho hafha, Bivhili. I a amba.

Mudzimu o fulufhedzisa kha Ipfi Lawe ndila ine A do nanga Muselwa Wawe nga lino ḫuvha la u fhedzisela. Naa izwo no zwi ḫivha? O zwi fulufhedzisa, ndila ine A do zwi ita, na uri nga pułane Yawe ya vhubvo ya u nanga Kristo, ya u nanga zwifhinga, ya u nanga dzikhalañwaha, ndila ine a . . . A nga si kone u i pfuka, kha Muselwa Wawe, ngauri Ndi tshipiда tsha ilo Ipfi.

A nga si Mu nange nga dinomineisheni, ngeno A songo nanga Kristo nga dinomineisheni. Naa Kristo o da kha dinomineisheni? Naa O da nga dinomineisheni? Hai. Vho Mu landula. Zwo ralo, izwo ndi zwe dinomineisheni ya ita tshifhingani itscho. Zwenezwo musi A tshi nanga Muselwa, naa A nga da nga inwe ndila-vho?

Naa O ḫisa hani Kristo fhano? Nga Ipfi la vhaporofita. Naa izwo ndi zwone? Naa U do ḫisa hani Muselwa Wawe fhano? Nga Ipfi la vhaporofita.

Naa O Mu ḫalusa hani musi A tshi ḫa? Nga munna we a vha e na maya wa Eliya khae, a bvaho sogani. Naa U do ḫalusa hani Muselwa Wawe? O fulufhedzisa ka Maleaxi 4 zwenezwo zwithihi, A sa athu tshinyadza liphasi, vhunga zwe zwa vha zwi zwone mađuvhani a Sodoma.

¹⁷² Elelwani, Sodoma wo swa. Naa izwo ndi zwone? Zwo ralo, ili shango li khou do swa. Yesu o amba nga u ralo. Huno tshi do vha tshifhinga, tshine, vhunga Luka ndima ya vhu¹⁷ na ndimana ya vhu³⁰ yo ri, “Kha mađuvha zwi do nga Sodoma na Gomora, zwenezwo Murwa-muthu u do dzumbululwa.”

Huno zwenezwo hu do bvelelani? U ya nga Maleaxi, U do fhisa liphasi hafhu, huno vho lugaho (kha Nwahagidi) vha do tshimbila kha milora ya vhavhi. Naa izwo ndi zwone? Ni a vhona?

Ngauralo ri heneffo tshifhingani tsha vhufhelo. Ro dzula hafha muñangoni zwino, ro lindela uri A ḫe.

¹⁷³ Dzhielani nzhele, Mudzimu o fulufhedzisa kha Ipfi Lawe zwauri U do nanga Muselwa Wawe nga ndila Yawe ya vhubvo. U nanga Wawe. Muhwe! O dzula o zwi amba nga vhaporofita, huno a rumu muporofita u zwi ḫalusa.

Muporofita o amba, o ima philiphilini dla Yorodane, “Vhonani!”

Vha ri, “Iwe u Mesia, naa a u ene?”

A ri, “Hai, nñe a thi Mesia.”

“U fanela u vha u Mesia.”

¹⁷⁴ “Fhedzi nne a thi Ene. Fhedzi O ima vhukati haṇu. Huno zwienda Zwawe, nne a tho ngo fanela u zwi vhofholola. Musi A tshi da, a tshi Dīdīvhadza . . .”

Huno ɔnamusi O ima vhukati hashu, nga muthu wa Muya Mukhethwa, a tshi khou Dīvhonadza lwo engedzeaho na lwo engedzeaho, a tshi dzhena ngomu ha Tshihhidzo Tshawe, a tshi khou Dīdīvhadza; ngauri, Ene, na Muselwa na Muhwe vha do vha vha fanaho, a tshi khou Dīdīvhadza. Huno liñwe ḫuvha ni do vhona zwauri Uyo we na mu pfa mbiluni yaṇu, huno na vhona ḫhaluso Yawe, u do vha muthu phanda haṇu, zwenezwo inwi na Ene ni Muthihi.

No tanganywa nga Ipfi. Huno Ipfi, lo vha li hone u rangani, li do humela murahu u rangani, line la vha Mudzimu. “Huno ilo ḫuvha ni do zwi divha zwauri Nne ndi kha Khotsi, Khotsi u kha Nne; Nne ndi kha inwi, huno inwi kha Nne.” Haleluya! Ri hafha. Haleluya! Nne ndo takala nga maanda u Mu vhona a tshi Diita muthu henefha vhukati hashu, huno ra vhona zwe A fulufhedzisela Ipfi; hu si zwa munyanyuwo wa muñwe muthu, u imba, na u fhufha, na u tshina. Fhedzi nga Ipfi Lawe, amene, U khou Dīdīvhadza.

¹⁷⁵ Sedzani, musi vho disa, vha fhaṭa thembele huno vha disa mbulungelo ngomu hayo, Mudzimu o dzhena ngomu henefho nga Khavhu ya Mulilo. Amene. Ho vha hu Dafita a tshi khou fhufha na u zhamba, ho vha hu vhaimbi vhotshifhe vhe vha vha tshi khou bvela phanda, ngeno vho vha vhe nda ha lufuno lwa Mudzimu. Fhedzi musi Mudzimu o ḫalusia mbulungelo fhethu Hawe na vhuimo, vha sa athu dzenisa mbulungelo ngomu henefho, ngeyi Khavhu ya Mulilo i a da yo ranga phanda ndilani; henefho phasi kha phapha dza vhabherube, na henefho ngomu murahu ha Vhukhethwakhethwani, fhethu ha vhuawelo Hawe; Khavhu ya Mulilo! Huno vhugala ha Mudzimu ho vha vhu ngomu henefho, u swika pe . . . vho kundelwa u vhona ndila ya u shuma. Amene.

Zwi do vala maṭo a ratheolodzhi muñwe na muñwe, musi A tshi dela Muselwa Wawe. U do takulelwa ntha hu—hu vhukati ha vhusiku, sa zwe zwa vha zwi zwone, khavho. Vha nga si vhuve vha Mu vhona a tshi ḫuwa. Oo, thendo kha Mudzimu!

¹⁷⁶ Dzhielani nzhele, Mudzimu o fulufhedzisa zwauri U do bvisa Muselwa Wawe, zwine A do ita. Hu do vha na Mbeu. Hu do vha na Tshedza tshifhingani tsha nga madekwana, nqila ine A do ita izwi zwithu zwothe, zwo tou kokotolo, nahone nga ndila ye A zwi pułana kha Testamente Ndala na Testamente Ntswa.

Huno a si nga kha dinomineisheni. A si nga kha sisteme yashu ine ra khou i shumisa ɔnamusi. Ri khou tou vhanga lufu. I ri ni vhathe vha vhee zwanda zwavho Naļo, huno vha fe khazwo. Ni a vhona?

¹⁷⁷ Ipfi, Mulaedza wa nga madekwana, u tea u hwala mvelelo dza nga madekwana. Mulaedza wa nga madekwana u fanela u zwala Mbeu ya nga madekwana, hu si mbeu ya nga matsheloni. Mbeu ya nga madekwana! Naa izwo ndi zwone? Vhupo ha masiaritshivhangalala, mbeu dzaho ngei murahu, dzo vha dzi dinomineisheni; dzo fa, dza lovha. Fhedzi Mulaedza wa tshifhinga tsha nga madekwana u do sumbedza Tshedza tsha tshifhinga tsha nga madekwana, u do sumbedza mvelelo dza tshifhinga tsha nga madekwana; Mulaedza wa tshifhinga tsha nga madekwana!

Tshifhinga tsha Yesu, mulaedza wa masiaritshivhangalala, wo sumbedza mvelelo dza masiaritshivhangalala. Mulaedza wa u ranga wo sumbedza mvelelo dza u ranga, wa ita tsiko. O ita Murwa Wawe nga tshifanyiso Tsha Ene muñe, hu masiaritshivhangalala. Nga tshifhinga tsha nga madekwana U Li itela Muselwa. Ni a vhona? Naa nga mini? Ipfi Ławé.

Naa O vhumba hani liphasi? Naa O li amba hani uri li vhe hone? Nga Ipfi Ławé!

Naa Murwa Wawe o vha e nnyi? Ipfi! “U rangani Ipfi o vha e hone, huno Ipfi o vha e na Mudzimu. Huno Ipfi a itwa ḥama huno a dzula vhukati.”

Naa U do dzhia hani Muselwa Wawe? Nga Ipfi; hu si nga gariki ntswa, hu si nga muhumbulo wa muñwe ratheolodzhi. Fhedzi u ya nga Ipfi Ławé U do Mu ḥalus. Ni songo vhea tshinwe tshithu Khało kana na ḥusa tshinwe tshithu Khało zwino. Li litsheni nga ndila ine La vha ngayo. Ni a vhona?

¹⁷⁸ Tshifhinga tsha nga madekwana, O fulufhedzisa uri U do dzumbulula, naho, a pfunulula aya Mapfundo a Sumbe huno a sumbedza zwe izwo zwivhidzo zwa firiwa ngazwo ngei murahu. Nzumbululo 10, na Maleaxi 4, Luka 17:30, O ri U do zwi ita. Zwino ri songo zwi ḥanganyisa. Kha ri zwi vhulunge nga u tou ralo.

¹⁷⁹ I ri ni nñe, kha u vala . . . Tshi ḥodou ri, tsini nga maanda na miniti ya fumiñhanu u swika awara ya fumbili. I ri ni ndi vale, nga u amba izwi.

Dzikhonani, thetshelesani, nga Dzina la Murena Yesu! Izwi zwithu zwi khagalesa kha uri inwi ni sa Li tende. Zwi khagalesa kha uri inwi ni sa Li vhone. Ngoho ni kona u li vhona Ilo! Ngoho shango lo kona u Li vhona! Fhedzi yañu fhedzi . . .

Ni songo tujuwedzwa nga izwi zwithu zwo simulwaho zwiswa na zwithu zwine vha vha nazwo ḥamusi; a thi londi uri munna ndi wavyudi hani, uri vha fulufhedzea hani. “Arali vha sa ambi u ya nga mulayo na vhaporofita,” Bivhili yo ri, “a hu na Vhutshilo khavho.” Ni a vhona?

¹⁸⁰ Dafita o elekanya uri u kha ngoho. O vha a tshi fulufhedzea. Avho vhotshifhe vho elekanya uri vha kha ngoho. Vho vha vha tshi fulufhedzea. Fhedzi vho tou kundelwa u

vhudzisa Murena nga hazwo. Huno vha do vha vho kona u zwi ita hani? Khamusi vho ri, "Ro rabela ra vuledza." Fhedzi iyo yo vha i si ndila ya Mudzimu ya u zwi ita. O fulufhedzisa zwauri Ha nga do ita tshithu u swika O no zwi dzumbululela vhalanda Vhawe vhaporofita. Huno heneffo ho ima Nathanaele heneffo vhukati havho, huno na kathihi vha si mu vhudzise na luthihi.

¹⁸¹ Zwino vhalani ndima dzi si gathi dzi tevhelaho dza Koronika heneffo, huno ni do wanulusa. Musi Dafita o dzula nduni, huno a ri, "Naa ndi zwoné," huno Nathanaele o dzula nae, "uri ndi tea u vha na, u dzula kha sedara, huno—huno mbulungelo ya Mudzimu i fhasi ha dzidennde ngeno nnnda?" Huno Nathanaele a wana, zwi bvaho ha Murena, zwine a nga mu vhudza uri a ite.

¹⁸² Huno o vha o no khakha, ngauralo zwenezwo Mudzimu a ri, "Vhudza mulanda Wanga Dafita uri Ndi a mu funa. Ndo mu itela dzina vhunga vhanna vhahulwane lifhasini, fhedzi Ndi nga si mu tendele u zwi ita," ni a vhona, "o no di Nkundela. Ni a vhona, Ndi nga si mu tendele u zwi ita. Ndi do mu disa, murwa wawe, u do vusa nndu ya lini na lini ya Mudzimu." Huno uyo o vha e Dafita, a hu na zwiñwe. Zwine, Salomo o zwi fanyissa, fhedzi zwenezwo a kundelwa. Munna muñwe na muñwe u tea u kundelwa. Muthu muñwe na muñwe u tea u kundelwa.

Mudzimu ndi Ene fhedzi ane a nga si kone u kundelwa. Ha koni u kundelwa. Itsho ndi tshithu tshithihi tshire Mudzimu a nga si kone u tshi ita, ndi u kundelwa. Huno Mudzimu ndi Ipfi. Huno Ipfi, hu sa londwi uri li vhonala li hani li khou do da nga iyi inwe ndila, li do da kokotolo nga ndila ye Ipfi la amba.

¹⁸³ Zwino elelwani, ni tea u tevhela khalañwaha, tshifhinga. Ni a vhona? Na uri ndi khalañwaha ifhio ine na vha khayo, tshifhinga tshifhio, huno a ita uri izwo zwi khwathisedzwe, u vhona uri izwo ndi Ngoho kokotolo.

¹⁸⁴ Zwino dzhiani izwi zwa u kombetshedza zweþhe, Ipfi loþhe, zwifanyiso zweþhe, na zwithu, huno ni sedze he na dzula hone. Elekanyani nga ha awara ine ra khou tshila khayo.

Sedzani hangei, itsho tshi todaho u vha tshafumi tsha lifhasi tsho lugela u wela ngomu. Saintsi i amba hezwo. Vha khou sedza kha watshi. Minwaha i si gathi yo fhiraho, ho pfi, "Ndi miniti miraru fhedzi zwino u swika vhukati ha vhusiku." Hu nga di vha muniti, hu nga di vha hafu ya muniti zwino.

Vha ri, "Zwi nga si bvelele kha murafho washu."

¹⁸⁵ "Zwi nga bvelela nga miniti miyanu." Huno dzhielani nzhele tshithu tshi tevhelaho o ri, "Minwaha miyanu." Nge na kathihi a tho ngo zwi amba hezwo zwino. O amba hezwo, rasaintsi. Vha khou pfuluwa California vhunga dzithunzi. Ni a vhona? Zwo ralo, ðuvha le uyo Loto a bva Sodoma, ðuvha lenelo lithihi ho na mulilo fhasi kha lifhasi.

Nga liñwe la aya maduvha Mudzimu u khou yo dzhia Mulaedza washu, huno ri khou yo ḥuwa fhano. Tshiñwe tshithu tshi khou yo bvelela, ngoho lwo eđanaho, zwenezwo, musi Tshivhidzo tsho no ḥuwa, Muvhili Wawe, Muselwa Wawe.

¹⁸⁶ Zwino ndi ḥoda u ni vhalela Luñwalo, nahone ndi ḥoda ni tshi Lu vhala na nne. Ndi ḥoda ni tshi ya kha Doiteronomio 4, kha u vala. Ndi elekanya uri hu na khonadzeo ya uri zwo edanaho zwo ambiwa, uri ni do pfectesa. Doiteronomio 4. Ndi khou yo vhala mafhethu mayhili ngomu hafha.

Huno kha itshi tshivhidzo, na kha dzitheiphi, vhathe vha re kha dzitheiphi, na vhathe vha re kha vhuñumani kha zwiñwe zwipiđa zwa lushaka, ndi ḥoda ni tshi thetshellesa izwi nga vhuñwanne vhuñkuma, nahone ni songo kundelwa. Itshe ndi tshithu tshe nda . . .

Doiteronomio, ndima ya vhu4. Ndi khou yo wana ndimana ya 1. Ndi ḥoda u vhala ndimana ya 1, zwenezwo ndi khou yo vhala ndimana ya vhu25 na ya vhu26. Inwi ni nga i vhala yothe musi ni tshi swika hayani; fhedzi u tou, vhuñunga tshifhinga, uri ri kone u bva nga tshifhinga, ngauri ndi tea u vhuña murahu hafhu madekwana a ñamusi, Murena a tshi funa. Thetshellesani uyu muporofita a tshi amba. O vha e Vhuhoneni ha Mudzimu. O zwi ñivha zwe a vha a tshi khou amba nga hazwo. Thetshellesani.

Zwino ngauralo-ha ipfani, Oo Israele, milayo na dzone dzikhathulo, dzine Nda ni funza dzone, uri ni dzi tevhedze, uri ni kone u tshila, huno na dzhena huno na dzhia shango ñine MURENA Mudzimu wa vhokhotsi anu a ni ñea lone. (Izwo zwi fanyisa Nwahagidi washu.)

Ni songo engedza kha ipfi ñine Nda ni laya lone, nahone ni songo thutha luswayo lwayo, ("Ni songo engedza tshiñwe tshithu Khaļo, nahone ni songo tusa tshiñwe tshithu Khaļo. Dzulani, itonu amba zwine La amba!") uri ni kone u vhuñunga milayo ya MURENA Mudzimu wañu ine Nda ni laya yone.

Mađo anu o vhon a zwe MURENA a ita . . . kha Baali-peoro: kha vhabba vhothe vhe vha tevhela Baali-peoro, MURENA Mudzimu wañu o vha tshinyadza vhukati hanu. ("Zwino ni vhathe vha fhandekanywaho, ni tshi bva kha idzo dinomineisheni." Ni a vhon? Ni a vhon?)

Fhedzi vhoiñwi vhabba na nambatela MURENA Mudzimu wañu, vhoiñwi nothe ni a tshila u swika kha ñino ñuvha. ("Vhoiñwi na kathihi a no ngo fa na dinomineisheni yanu. Ni khou tshila zwino, nahone Vhuhoneni ha Mudzimu.")

Zwi tsini, zwi songo ni fhira. Ndimana ya vhu²⁵, zwino, musi vha tshi khou dzhena ngomu shangoni, zwino sedzesani zwe bvelelaho.

Huno *musi inwi ni tshi do beba vhana, na vhana vha vhana, huno inwi... no no vha shangoni lwa tshifhinga tshilapfu, huno ni tshi do ditshinya* (izwo ndi zwe zwa bvelela), *huno na ita... zwifanyiso zwo vhadiwaho* (tshiñwe tshithu-vho), *kana tshifanyiso tsha tshiñwe tshithu, huno na ita vhuvhi mañoni a MURENA Mudzimu wañu, u mu sinyusa:* (Thetshelesani!)

Ndi vhidza mañadulu na lifhasi u vha thanzi dzanu nga lino duvha, ni a vhona, uri inwi hu si kale ni do lovha tshothe kha shango, kana fhethu, hune na ya seli ha Yorodane u li dzhia; ni nga si do lapfisa mañuvha anu khalo, fhedzi ni do tshinyadzwa tshothe.

¹⁸⁷ Uyu o vha e Mushe a tshi khou amba na Israele, nga murahu ha musi o no khwathisedzwa nga Mudzimu, nga Khavhu ya Mulilo, huno a zwi divha uri o sumbedzwa u vha mulanda wa Mudzimu wa u vha ranga phanda vha tshi bva. Huno vha sa athu dzhena shangoni, vha sa athu dzhena, Mushe a ri, “Zwino, maipfi e nda a amba na vhoiñwi, ndi vhidza tañulu na lifhasi u vha thanzi dzanu. Arali na engedza tshiñwe tshithu Khaþo, kana na tusa Ipfi lîthihi Khaþo, a ni nga dzuli shangoni hune Murena Mudzimu a ni nea hone.”

Ngauralo nne ndi a amba, nga Dzina la Yesu Kristo! Ni songo engedza nga tshiñwe tshithu. Ni songo tusa, na vhea mihumbulo ya inwi muñe Khaþo. Inwi ni tou amba zwine zwa khou ambiwa kha idzo theiphi. Inwi ni tou ita kokotolo zwe Murena Mudzimu a laya uri zwi itwe. Ni songo engedza Khaþo.

¹⁸⁸ Ene misi yoþhe, u vhulunga pfylufhedziso Yawe kha riñe. Pfylufhedziso inwe na inwe ye A i ita, O i vhulunga. Naa O ni vhudza zwine zwa do bvelela, huno zwa bvelela? Ndi disa mañadulu na lifhasi phanda hanu namusi, nga khaedu. Naa Mudzimu o vhuya a amba tshiñwe tshithu tshe A sa tshi khunyeledze huno a ita kokotolo zwe A ri U do ri itela zwone? Naa Ho ngo ita fhedzi nga ndila ye A ri U do zwi ita? Izwo ndi zwone kokotolo. Ngauralo U do isa phanda na u zwi ita. Ni songo engedza Khaþo. Ni songo tusa Khaþo. Itonu Li tenda huno ni tshimbile nga u ditukufhadza phanda ha Murena Mudzimu wañu, ngauri ri khou sendela u dzhena ngomu Shangoni.

Zwenezwo, inwi ni nga si hume, inwi ni nga si humele kha ulu lushaka lwa vhutshilo hafhu. Ni do humela sa muthu a sa fiho. Ni do huma, musi ho no fhedzwa nga ha tshivhi, musi Sathane o vhoxwa, nahone lwa miñwaha ya tshigidi ni do tshila kha ili lifhasi le Murena Mudzimu wañu a ni nea lone. “Ngauri vha vhulenda shango li do vha ifa lâvho.” “Mashudu uyo a no tevhedza milayo Yawe yoþhe, uri a kone u vha na

pfanelo ya u dzhena Muđini.” “Ngauri nn̄da hu na vhaloi, vhazwifhi, dziphombwe, na dzimmbwa. Vha nga si dzhene ngomu.” Fhedzi ndi zwa vho Rengululwaho fhedzi, na avho vha tshimbilaho kha milayo Yawe.

¹⁸⁹ Ni songo dzhia tshiňwe tshithu tshiswa. Zwi khou fhufha huňwe na huňwe, huno hu ḥo vha na two engedzeaho u fhira hezwo zwi no ḥo da. Fhedzi ni songo dzhia izwi zwithu zwiswa.

Murena Mudzimu waňu o ni tanzilela zwi re Ngoho. Murena Mudzimu waňu o khwařisedza zwi re Ngoho, nga Ipfi Lawe na nga Muya Wawe. “A si nga maanda, kana nga u kona, fhedzi nga Muya Wanga.” Huno, Muya, “Mudzimu u ḥoda avho vha no Mu luvha nga Muya na Ngoho.” “Ipfi Łau ndi Ngoho.” Huno O khwařisedza nga hothe zwaauri Yesu Kristo ndi a sa shanduki mulovha, ɻamusi, na lini na lini. O ni sumbedza Mbeu dza nga madekwana. O ni dzumbululela Yone, kha Ipfi. O ni sumbedza Łone, nga Muya Wawe.

¹⁹⁰ Na kathihi ni songo thoma kana na lingedza dzangano. Ni songo lingedza u fhaťa kha tshiňwe tshithu-vho.

Fhedzi dzulanî ni tshi ḥitukufhadza phanda ha Murena Mudzimu waňu, ngauri hu vhonala hu tshi nga khoro dzi nga ḥi vulea ngomu Šhangoni ḥo fulufhedziswaho hu si kale. Zwenezwo kha ri dzhene ri tshi imba nga ngooho nahone ro takala, musi Muselwa na Muhwe vha tshi dzhia fhethu havho kha Khuluŋoni.

¹⁹¹ Tshilani nga u ḥitukufhadza. Tshilani nga lufuno. Funanani. Na kathihi ni songo wana tshithu vhukati hanu. Arali ni tshi vhona tshiňwe tshithu tshi tshi ḥa mbiluni yaňu tshi tshi hanedzana na muňwe muthu, tshi bviseni heneffo nga tshifhinga tshenetsho. Ni songo tendela . . .

Huno Sathane u do ita zwawe zwa khwine uri a dzhene vhukati hanu. Ni a vhona? Ni songo tendela izwo u bvelela. Muňwe muthu wa lulimi lu suvhaho a nga kha ḥi ḥa huno a lingedza u ni ɻuwisa Khaļo. Inwi ni elekanya uri vho vha vha tshi nga kona u bvisa Mushe Vhuhoneni ha Mudzimu nga nyambo fhedzi, he a vha o ima heneffo huno a Li vhona? Hai, mune wanga. Hai. A ri ɻusi Khaļo kana ra engedza Khaļo. Itonu Li vhulunga nga ndila ye Murena a amba. A ri ḥodi dinomineisheni. A ri ḥodi madzangano. A ri ḥodi vhuvhi. A ri ḥodi muvhango. Ri ḥoda Mudzimu, huno ndi Ipfi.

Zwino kha ri kotamise zwifhaťuwo zwashu.

¹⁹² Oo Mudzimu, ndi sedza u mona hothe nga ičo lithihi ja maya, ndi lingedza u vhona zwine zwa khou itea. Ndi vhona Ipfi Łau, ndila ye Ła khwařisedzwa, ndila ye Ła sumbedzwa; ndilani yothe u bva kha miňwaha ya furaruraru yo fhiraho, hafha fhasi mulamboni, zwe Wa amba. Huno ngezwi, nga murahu ha miňwaha ya furaruraru, huno U khou ita zwezwo zwe Wa amba. Huno Wo ita zwezwo zwe Wa amba. Murena,

kha zwi vhe kule na riñe u lingedza u Li ita lītuku kana u lingedza u Li ita lihulu; itou Li litsha nga ndila ye Wa Li ita, ri tou tshimbila nga u dītukufhadza huno ra U tevhela.

¹⁹³ Avha ndi vhone, Murena, vhe Wa vha nekedza kha mushumo, nga nn̄dani ha avho vhothe vho edelaho kha lushaka, u mona na shango. Mavhida a fhano o fara vhunzhi ha avho vho lindelaho, vhakhethwa vho fhaṭutshedzwaho. Fhedzi zwi nga ndila ye zwa ambiwa, "Riñe vhane ra tshila huno ri tshee hone ri nga si rangele avho vho edelaho. Lufhalafhala lu do lila, vhafu vha do vuwa u thoma; zwenezwo riñe ri do t̄anganedzwa nthā navho." Musi vhugala ha Mudzimu vhū tshi do vha kha lifhasi, vhu do dzumbela shango Tshivhidzo. Li nga si vhuye la Tshi vhona musi Tshi tshi tuwa.

¹⁹⁴ Khotsi Mudzimu, vhulunga avha zwandani Zwau. Ndi Vhau. Ndi a rabela, Mudzimu, uri riñe tshifhinga tshothe ri do tshimbila nga u dītukufhadza phanda Hau. A ri dīvhi uri lwa tshifhinga tshingafhani. A ri tami u dīvha uri lwa tshifhinga tshingafhani; a si mushumo washu. Üyo ndi mushumo Wau. A si lufuno lwashu u dīvha uri U do da lini. Ndi lufuno lwashu, Murena, u dzula ri tshi dītukufhadza u swika U tshi da, huno ra tshimbila na Iwe. Ndi lutamo lwashu uri Iwe u tou Didivhadza, luthihi nga tshifhinganyana, Khotsi, vhukati hashu, uri ri kone u vhona zwauri ri kha di tshimbila na Iwe.

¹⁹⁵ Ri hangwele zwivhi zwashu two fhiraho. Ri endedze nahone u ri tsireledze tshikwekweni tshiñwe na tshiñwe tsha diabolo, u itela matshelo. Ri range phanda huno u ri endedze, Oo Mudzimu Khotsi ashu. Hangwela milandu yashu nahone u ri thuse u vha vhana Vhau. Ri kilasi ya vhatu vha pfisaho vhuṭungu. Ri vhalatiwa, nga zwitshavha zwa lino shango, nga dinomineisheni dza zwivhidzo.

Ri vhona vhufhelo. Huno ri a U livhuwa nga nthani ha u vhona lwa mya ngomu ha Ipfi Lau, u vhona tshifhinga tsha vhufhelo, ngauri izwi zwiga zweithe zwi fanela u da kha uho u kandiwa nga matombo a bvaho Taqulu. Ri thuse, Murena, uri ri songo vha fhano nga ilo duvha, fhedzi u vha ro no tuwa ra dzhena Vhuhoneni Hau, ra fhufhela kule ngomu marumbini Au.

¹⁹⁶ Fhodza vhalwadze na vha thupheaho, Murena. Ri rabela uri madekwana a ñamusi U ri ñee tshumelo khulwane nga maanda, ngavhe hu sa vhi na muthu a si na nungo vhukati hashu, nga nthani ha Vhuhone Hau, Murena. Ngavhe mbilu dzashu dzi tshi dzula dzi kha Iwe. Huno ri a zwi dīvha, Murena, uri tshelede, ndaka, zwithu zwa shango a zwi ambi tshithu, zwi tou vha zwa tshifhinganyana nga maanda. Zweithe zwi fanela u tuwa. Mishumo yashu, mafhetu ashu, khonani dzashu, tshiñwe na tshiñwe tshi fanela u tuwa. A hu londwi uri ro pfuma hani, ri shaya hani, ri takalelwā hani kana a ri takalelwā hani, zweithe zwi fanela u tuwa. Fhedzi hu na tshithu

tshithihi fhedzi tshine u vha hashu fhano ha vha khatsho, huno itsho ndi Yesu Kristo. Ngauralo, Mudzimu, kha ri vhetshele thungo tshiñwe na tshiñwe sa tshine tsha vha tsha vhuvhili, huno ri farelele Khae. Huno Ene ndi Ipfi. Zwi tendele, Murena.

¹⁹⁷ Ipfi lo khwathisedzwaho la awara! Ipfi lo khwathisedzwaho la maduvhani a Mushe lo vha li Yesu. Ipfi lo khwathisedzwaho la duvha la Yesaya, Eliya, Yohane, yhothe, lo vha li Yesu. Huno Ipfi lo khwathisedzwaho namusi ndi Yesu, a sa shanduki mulovha, namusi na lini na lini. Ri thuse, Murena, u zwi tenda hezwo, u zwi vhona hezwo, huno ra tshimbila khazwo. Ri—ri zwi humbela Dzinani la Yesu.

¹⁹⁸ Ro kotamisa zwifhañuwo zwashu, ndi a mangala uri hu na vhañwe ngomu hafha vhane vha vha uri na kathihi a vha athu ita nga ngoho iyo khulwane, yo eðanaho tshoþhe . . . Inwi Li tendeni, fhedzi u tou Li tenda a zwe ngo eðana.

Ndi tenda uri mufumakadzi wanga o vha e musidzana wavhuði. Ndo vha ndi tshi ðivha khotsi awe, mme awe. Ndo mu ðivha lwa miñwaha na miñwaha. O tshimbila vhutshilo ha vhukuma. Ndi tenda zwauri o vha e musadzi wavhuði, fhedzi izwo a zwe ngo mu ita wanga. Na kathihi ho ngo vha wanga u swika, ene, ndi tshi mu ðanganedza, ene a ñanganedza.

Zwino Yesu u ðoda u ni ðanganedza. Naa ni nga si Mu ðanganedze huno na vha tshipida tsha Ipfi Lawe? Arali ni songo ita izwo, no kotamisa zwifhañuwo zwañu na mbilu dzañu dzo kotama, ndi fulufhela . . .

¹⁹⁹ A hu na lufhera lwa mbidzo ya alitari hafha. A thi tou vha nga maanda khazwo, naho zwe ralo. Ñdi tenda uri Mudzimu u ni dalela henehfo hune na vha hone. Ni ðo imisa zwanda zwañu, na ri, "Mukomana Branham, ni nnyelelwé thabeloni. Ñdi ðoda u ita hezwo." Mudzimu a ni fhaþutshedze. "Ndi . . ." Mudzimu a ni fhaþutshedze. Nñenñe, zwanda huñwe na huñwe! "Ndi ðoda u vha nga u ralo." Mudzimu a ni fhaþutshedze, mukomana. A ñi fhaþutshedze, mukomana; vhoiñwi noþhe, u mona hothe. "Ndi ðodou vha tshenetsho." Mudzimu a fhaþutshedze . . . "Nñe ngoho ndi ðodou vha tshenetsho. Ndi—ndi a zwi vhona."

Zwo luga, zwino, sedzani, khonani, hu nga ði vha na tshiñwe tshithu tshiñuku . . . Arali ni si tshenetsho, zwenezwo hu na tshiñwe tshithu tshe na vha khatsho nga nnða ha hetsho. Ni tsini natsho, no tshi sedza. Inwi ni a tshi vhona. No no tshi vhona lwa miñwaha, tshi tshi ya ñtha. Ni tshi vhona tshi tshi ða tsho no aluwa zwino. Arali itsho tshi tshi amba tshiñwe na tshiñwe kha riñe, huno a hu na tshiñwe tshithu-vho tshi no ðo dzula tshi hone nga nnða ha Hetsho, ndi ngani ni sa rembuluseli thoho yanu kule ha itsho tshithu tshe na vha ni tshi khou tshi sedza huno na vha Khae? Zwine, vhukati ha vhutshilo hoþhe, hoþhe ha ngavhuya, ndi Ene. Naa ni nga si zwi ite, musi ri tshi rabela roþhe?

²⁰⁰ Mudzimu a Funwaho, musi zwanda zwa vhanna, vhasadzi, vhatukana, vhasidzana, na vhashumeli, vho imisela zwanda zwavho n̄ha. Vho—vho ṭoda u—u amba zwauri vha ṭoda u vha vhukati heneffo u mona na Murena Yesu, huno naho zwe ralo hu vhonala hu tshi nga vha nga si kone u zwi ita. Hu na tshiniwe tshithu tshi no vha kokodzela thungo *iyi*, thungo *iyo*. Hu nga di vha hu dinomineisheni, hu nga di vha hu muthu, hu nga di vha hu tshivhi, hu nga di vha hu tshinwe tshithu tshire vha khou tshi dzumba mbiluni dzavho. A thi ḋivhi, Murena. Iwe u a divha. Tshinwe na tshinwe tshi re tshore, ngavhe zwino fhedzi, Murena, musi U tshi khou vhidza vhańwe... Wo no di vha vhidza. Ndi Vhau.

Huno musi U tshi vha vhidza, ngavhe vha tshi vhofhololwa kha itsho, itsho tshivhi tshi tangaho, vhunga Bivhili yo amba. “Rembuluwani kha itsho tshivhi tshi ri tangaho nga ndila i leluwaho, uri ri kone u gidima ri sa fheli mbilu mbambe yo vhewaho phanda hashu, ro sedza kha...” Mini, kha mushumo washu, kha dinomineisheni yashu, kha u dińwalisa hashu, kha dzikhoro? “Kha Kristo Murangi na Mukhunyeledzi wa lutendo lune ra vha nalwo Khae.” Ita hezwo, Khotsi, u itela riñe ńamusi, ngauri ri zwi humbela nga Dzina Ławé nahone u itela vhugala Hawe.

²⁰¹ Zwino ndi Vhau, Murena. Vha ite zwine Wa vhona zwe fanela. Ri ite zwine Wa vhona zwe fanela. Ri Vhau. Dzinani la Yesu. Amene.

Ndi a Mu funa, ndi a Mu funa
 Ngauri O funa n̄ne u thoma
 Huno o renga tshidzo yanga
 Murini wa Khalivari.

²⁰² Naa no no hangwa nga ha tshiswiṭulo? Naa no no hangwa uri kana vhana vho luga, nn̄da modoroni, kana hai? Naa no no hangwa zweṭhe nga ha tshifhinga tsho fhiraho, huno na limuha uri vhudipfi hańu ndi vhufhio zwa zwino? Zwi khou bvelela phanda hańu, duvhya na duvhya. Ni a vhona? I ri ni izwo zwi vhe vhukati ha tshinwe na tshinwe. I ri ni zwińwe zwithu zweṭhe zwi ṭuwe; zwi khou yo lovha, naho zwe ralo.

Oo, dzulelani u Mu tevhela! Ni a vhona? Vhunga Elisha o tevhela Eliya, kha ri Mu tevhele. Ngauri ri fanela u takulelwā n̄ha, na riñe-vho, lińwe duvhya. Ro vhona goloi ya Mulilo ye ya Mu bvisa tshaloni. Ri a U pfa vhukati hashu zwino. Lińwe duvhya U khou yo hungulula dzibere zwiṭakani. Ri khou ya n̄ha. Naa a ni Mu funi?

Huno o renga tshidzo yanga
 Murini wa Khalivari.

Oo, naa ni nga si tou ṭodou vala maṭo ańu huno na Mu vhona o nembelela hangei?

Ndi a Mu funa, (ndi nnyi muńwe ane ndi nga
 mu funa?) ndi a Mu funa
 Ngauri O funa nne u thoma
 Huno o renga tshidzo yanga
 Murini wa Khalivari.

²⁰³ Tshifhinga tshińwe na tshińwe musi ndi tshi vhuya hayani, muńwe muthu o tuwa. Ndi do tuwa lwa minwedzi i si gathi, nda vhuya murahu, muńwe o tuwa. Ndi a tungufhala tshifhinga tshińwe na tshińwe ndi tshi da.

Lińwe ḫuvha, mutukana we nda ya nae tshikoloni, a tshi tsa nga tshītarata, o ri, “Halo, Billy.”

²⁰⁴ Nda mu sedza, o vha a tshi anzela u vha muthu mućuku wavhuđi, mavhudzi matswu a penyaho a vhukumā o gamelwaho murahu; zwino o tshena sa mahada. O vha a tshi anzela u vha wa vhukuma; thumbu yo bvela nnđa nga ndila iyi. Nda ri, “Halo, Jim.” Nda mu sedza.

Nda zwi pfa mbiluni yanga, nda elekanya, “Mudzimu, uyo mutukana na nne, uyo munna na nne, ri vha vhukale vhu fanaho.”

Zwenezwo, ndi a zwi ḫivha uri mađuvha anga o vhaliwa. Ndi a ḫivha uri hu nga si vhe ho sala tshifhinga tshinhisa. Nda sedza u mona hothe, huno nda elekanya, “Naa ndi nga itani, Murena? Nthuse. A thi ḫodi u vha nga phanda Hau. Ndi ḫoda u dzula heneffo—heneffo murahu Hau. Iwe ranga phanda ndilani.” Ndi a sedza, huno nda elekanya, “Ndi na mińwaha ya fuhanurathi, yawee, nñenñe, hu nga si vhe ho sala tshifhinga tshinhisa!”

²⁰⁵ Huno nda sedza fhasi, nda vhona khonani yanga yavhudi Bill Dauch o dzula heneffo, wa mińwaha ya fusumbembili kana ya fusumberaru. Ndi sedza u mona hothe, ndi vhona avha vhana, vha a elekanya, “Zwo luga, ndi do lindela u swika ndi tshi vha wa kale sa Mukomana Branham, ndi do elekanya hezwo.” Mufunwa, inwi na kathihi ni nga di si zwi vhona hezwo. Ndi a timatima nga maanda uri inwi ni nga zwi vhona. Ni a vhona? Fhedzi, itonu elekanya, arali Mukomana Bill Dauch a tshila nga kha ili ḫuvha, u do tshila u fhira mađana a vhathu vha re na mińwaha ya fumithanu, fumirathi. Vha khou fa awara ińwe na ińwe.

Ngauralo zwi ita phambano-de uri ni wa vhukale-de! Naa ni khou itani nga ha awara ine na khou tshila khayo? Naa ni khou itelani Yesu nga tshino tshifhinga? Ni a vhona? Oo, ndi ḫoda u Mu vhona. Ndi ḫoda u vhona awara ine nda sedza huno nda vhona iyi mivhili yothe ya kale yo shandukiswa, nda i vhona “yo shandukiswa nga tshikhathinyana, nga u poidza.” Arali izwo zwi songo ralo, zwenezwo ri vhathu vho tsilufhalesaho; İlani, inwani, huno ni takale, ngauri matshelo ni a fa; ni a vhona, ni tou fana na phukha, ni a fa huno na ya kha tshika huno ndi zwenezwo fhedzi. Fhedzi hu na u

faho...muya u sa fiho u tshilaho kha inwi, mukomana. Ro no pfa zwi bvaho Taqulu. Ro no vhona two sumbedzwa. Ri a zwi divha zwauri U hone, nahone ndi mupfufhi wa avho vha no Mu ṭoda vho qifunga.

Zwino, mirado ya Muvhili wa Kristo, musi ri tshi imba ulwo hafhu, ndi ṭoda vho inwi ni tshi dzula zwidzuloni zwaṇu huno na khađana musi ri tshi imba ulwo hafhu.

Ndi...(tonu lumelisa mukomana waṇu,
khaladzi) ndi a Mu funa
Ngauri...(Richard!)...npe
Huno o renga tshidzo yanga
Murini wa Khaļivari.

²⁰⁶ Naa ni a Mu funa? I ri ni, “Amene.” [Tshivhidzo tshi ri, “Amene.”—Mudz.] Naa ni a funa Ipfī Lawe? I ri ni, “Amene.” [“Amene!”] Ni a funa budo Lawe? I ri ni, “Amene.” [“Amene!”] Naa ni a funa Muvhili Wawe? I ri ni, “Amene!” [“Amene.”] Zwenezwo, ni a funana. Amene! Izwo ndi zwone. “Izwi vhathu vhothe vha do zwi divha uri ni vhafunziwa Vhangā, musi ni tshi funana.”

Zwino ndo vhea zwanda zwanga kha idzi sagaduku, arali ni tshi tea u dici wana vhusiku vhu sa athu swika.

²⁰⁷ Ndi khou yo vha na Mukomana Richard Blair... Mudzimu o fhindula thabelo yawe, ene na mukomana hafha, hu tshi khou rabelwa liñe we duvha, u itela u vhuisa uyu mutukana muļuku o dzulaho vhukati hashu ñamusi, a no khou tshila, nga n̄thani ha lutendo lwavho kha Mudzimu. Zwino ndi khou yo vha nae uri a ri balanganye nga ipfi la thabelo, nga zwikhathinyana zwi si gathi fhedzi, uri ri kone u vhuya murahu hafhu madekwana a ñamusi.

Ho tou sala miniti i ṭodaho u swika miṭanu nga murahu ha awara ya fumimbili, nga iyo watshi. Huno ndi ṭoda inwi ni tshi vhuya murahu madekwana a ñamusi, arali ni tshi kona, arali ni hone tsini. Arali ni tshi tea u ya hayani, ngavhe Mudzimu a tshi vha na inwi ndilani yaṇu, huno a ni thusa, nahone a ni tsireledza. Arali ni tshi nga dzula, nahone ni tshi ṭoda u dzula, ni a ḥanganedzwa uri ni dzule. Mudzimu a vhe na inwi zwino.

U swika ri tshi ḥanganan! u swika ri tshi ḥanganan!
U swika...(kha ri imisele zwanda zwashu Khae)...ri ḥangane milenzheni ya Yesu;
U swika ri tshi ḥanganan! u swika ri tshi ḥanganan!
Mudzimu a vhe na inwi u swika ri tshi ḥanganan hafhu.

[Mukomana Branham u thoma u nūnuna *Mudzimu A Vhe Na Inwi*—Mudz.] Iyo ndi ndila ya u tuwa nđuni ya Mudzimu, nga thabelo, nga u džitukufhadza, ri tshi fulufhela uri ri do ḥangana hafhu madekwana a ɻamusi. Arali ra sa ralo, “Mudzimu a vhe na inwi u swika ri tshi ḥangana hafhu!”

Kha ri kotamise zwifhaṭuwo zwashu zwino. Mukomana Blair.



*U LINGEDZA U ITELA MUDZIMU TSHUMELO
HU SI LUFUNO LWA MUDZIMU TSV65-0718M*
(Trying To Do God A Service Without Being The Will Of God)

Hoyu Mulaedza nga Mukomana William Marrion Branham, u rangani wo ɻewa nga Tshisimane nga matsheloni a Swondaha, Fulwana 18, 1965, Thabereneakejeni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganđiswa u songo pfufhifhadzwa nga Tshisimane. Heyi ɻhalutshedzo ya Tshivenđa yo ganđiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org